

91

P-73

ՄԱՍԻՍ ԼԵՌՆԵՐԻ

ՀԱՐԱԻԱՅԻՆ ՍՏՈՐՈՏՆԵՐ

բ. մասն

ՀՐԱՊԱՐԱԿԱԽՕՍՈՒԹԻՒՆ

ԿԱՏԱՐՎԱԾ ԱՊՐԷԼ 21-ԻՆ ԱՐԾՐՈՒՆՈՒ
ԹԱՏՐՈՆՈՒՄ

ԹԻՖԼԻՍ

ՏՊԱՐԱՆ ՄՈՎՍՎԱՐԳԱՆԵԱՆԻ ԵՒ ՀՆԿ

1882

Доз. цензурою. Тиф. 5-го Сентября, 1882 года.

Типогр. М. Вартамянца и К^о- въ Троиц. пер.

ՀՐԱՊԱՐԱԿԵԽՍՍՈՒԹԻՒՆ

Բ. Մ Ա. Ս Ն

Խաների կառավարութեան ձեւը։—Որէնքների գործադրութիւնը։—Պաշտօնատներ։—Խաների սուանձնաշնորհութիւնները։—Էրկրի գիւղատնտեսական վիճակը։—Խանի օգային ճանապարհօրդութիւնը։—Համեմատութիւն պարսկայհայերի եւ տաճկահայերի մէջ։—Քանի տեսակ հարստահարիչներ կան։—Վաթսուն եւ մէկ երրորդ յօդուածի վերայ եղած տարբեր հայեացքներ։—Մագուայ հայերը։—Քրդեր եւ միսիօնարներ եւ նոցա լուսաւօրութիւն տարածելու ձեւը։—Գարադոյունցիք եւ նոցա ազանդի կրօնական ծէսերը։—Գարալագեազի թրքացած հայերը։

Ազգութեան դոյութիւնը ազգային սնափառութեան առարկայի համար է. այլ ազգային բարեկենդանութեան համար է. իսկ ազգային բարեկենդանութեան հիմքը, գիւղացու բարեկենդանութիւնն է։

Մագուն, Աւաջուղը, Գարայնին առանձին առանձին խանութիւններ են միմեանցից անկախ և վայելում են պարսից շահի հովանաւորութիւնը, ինչպէս նորա վասալները, Գոքա մի-

մեանցից չեն զանազանվում աշխարհը կառավարելու ձևումը. այդ ձևը կամայականութիւն, բըռնութիւն, ահ ու սարսափն է: Ճշմարիտ որչարագործութիւնները պատժվում են, բայց առաքինութիւնը աւելի շատ է վտանգվում: Գողերին, աւազակներին կտրում են, յանցանքի ծանրութեան համեմատ, քիթը, ականջները, ձեռները, աւելի ծանր յանցաւորներին, գլուխը: Սպանուածի արիւնը, ինչպէս Տաճկաստանում, պահանջվում է սպանողից կամ արիւնով, կամ դրամով բայց այդ օրէնքների արդար գործադրութիւնը կախուած է խանի միահեծան անձնաւորութիւնից, նորա իւր ստորագրեալների վերայ ունեցած իւր հայեացքից, մինչև անգամ նորա լաւ կամ վատ տրամադրութիւնից: Շատ անգամ աւազակները պատժվելու տեղ վարձատրվում են, նայեա՞ծ թէ գործը խանին ինչ տատիճանի շահաբեր է: Եթէ աւազակութիւնը կատարվում է թշնամի մարդու տան, ստացուածքի վերայ, կամ սահմանից դուրսը, այն ժամանակ դա աւազակութիւն չէ անուանվում այլ քաջութիւն *):

*) Եւ Մտղուայ մէջ տեոայ ամեն կողմից ժողովուած աւազակների մի խումբ, որոնցից մի քանիսը խաների սպասաւորութեան մէջ էին մտել, Դարա յայտնի պատրաստվում էին Ռուսոց սահմանի վերայ արշաւելու, կողակների տրթնութիւնը արգելից դրանց իւրեանց նպա-

Բացի ախուենդի կրօնական ատենից, ուր հաստատուում են ամուսնական կապերը և լինում են կրօնական վարդապետութիւնները, կառավարութեան միմիայն պաշտօնատուներ խանի «դիւան-խանան» է: Դա ծառայում է խանին իբրև դահլիճ, ուր ժողովուրդը են և ընդունվում են ամեն տեսակ հիւրեր, իբրև սեղանատուն, ուր անուշ են անում «բողբաշն ու փլաւը», իբրև ննջարան, որ ծառայում է միայն ճանապարհորդ հիւրերին, իբրև աղօթարան, ուր կատարում են «նամազը», միանգամայն և իբրև դատարան, զինուորական, ատմինիստրական, և կառավարութեան բոլոր գործերի անգիր պաշտօնատուն: Մի խանութեան մէջ այսպիսի տներ, որոնք թէև տեսակով մի, բայց թւով շատ են, ինչպէս որ խանի եղբայրները բոլորն էլ խաներ են և իւրեանց ժառանգութիւն ընկած գիւղերի անձնիշխան միակ տէր և դատաւոր են:

Այդ խանութիւնները, թէև ենթարկուած են թագաւորաց թագաւորի իշխանութեանը, բայց թագաւորական գանձարանը նոցանից ոչինչ ուղ-

տակին հասնելու, որոնք արշաւանքի ուղղութիւնը շրջեցին Ալամաստի վերայ: Կս Կարայնիից երբ վերադառնում էի, լսեցի, որ այդ պատուաւոր գործերով զբաղված իււմբը կռվումը կորցնելով մի մարդ եւ մի ձի կորագլուխ յետ էին դարձել:

ղակի եկամուտ չէ ստանում: Հասոյթը թող
տրուած է խաներին նորա համար, որ նորանք
այդ միջոցով կարողանան զինուորական ոյժ
պահպանել և առհարկին պաշտպանեն երկիրը
նորա թշնամիների դէմ: Այդ հիման վերայ պա-
տերազմի ժամանակ Մագուն պարտական է հա-
րիւր այրուծի և մի վաշտ հետի զինուորներ ճա-
կատեցնել: Աւաջուղը երկու հարիւր այրուծի:
Բայց խաները ի շարն են գործածում շահից
տուած արտօնութիւնը. զինուորական պատրաս-
տութեան համար բոլորովին հոգ չեն տանում:
Նորա աշխատում են միմիայն հարստանալու,
դորա համար էլ աւերում են արքունի գիւղերը
և այդ աւերմունքներից հիմնում են իւրեանց
համար սեպհական գիւղեր *):

Խանութիւններից երկուսը նոր ժամանակում
են հիմնուած. Աւաջուղի խաների հայրը Գիւմ-
րեցի է: Հիւսէին աղէն Հայտարանցոց ազնուա-

*) Խաները իրանց սեպհական գիւղերը բազմացնելու
համար գնում են արքունական գիւղի մօտ եղած մի ազ-
նուականի հողերը եւ նրա վերայ շինում են մի նոր գիւղ:
Այդ գիւղը բնակիչներով լցնելու համար ճնշում են ար-
քունի գիւղում բնակվածներին գրկելով նրանց ուսուցե-
լու ջրից, երբ դա առատութեամբ բաժանվում է նոր
գիւղումը, այդպիսով թագաւորական գիւղացիները ստիպ-
ված են լինում փոխադրվելու:

կան ցեղիցն է, որ Աբաղա Կաշտիցն է անցել Թայջաբարայ հովիտը, Գորանք գիմել են շահին, որը ողորմածաբար դրանց երկիր և իշխանութիւն է պարգևել, Ահա ինչ գիւրին կերպով է հիմնվում վասալական իշխանութիւնը Պարսկահայաստանի մէջ: Ճշմարիտ խոստովանել, ինձանում ևս ցանկութիւն ծնուեց խան դառնալու:

Շատ դժուար է մի այդպիսի աշխարհի համար բնակիչների ճիշտ թուանշանը ասել, ուր աշխարհագիր երբէք չէ եղել: Մտաւորապէս կարելի է երեք խանութիւնների մէջ վեց հազար նստական ժողովուրդ և երկու հազար թափառական քրդեր հաշուել:

Երկրի գիւղատնտեսական վիճակը ոչ մի բանի նման չէ: Իսկապէս ասել, այդ երկրումը ապրում չէ ժողովուրդ, այլ մի տեսակ անասուններ, որոնք իւրեանց բոլոր էութեամբ պատկանում են տիրապետողին, Գերիները այն առաւելութիւնը ունին, որ գոնէ նրանք կուշտ են փորով, մերկութիւնը պատսպարուած է: Ուղղակի հարկը ծանր չէ, ամեն ծուխ պարտական է մի շերտնեց վճարել տարին, բայց անուղղակի տուրքեր բազմաթիւ են, Ինչ որ խանը վճարում է իւրանից զօրեղ անձնաւորութիւններին ընծայի կամ կաշառքի անուճով, մի խօսքով, խանի արած ամեն ծախսերը հպատակներն են:

պարտական վճարել, Բացի այդ՝ հպատակները պարտաւոր են նաև խանի ընդարձակ հողերը վարել, ցանել, ջրել, արդիւնքը տեղափոխել, անասնոց համար գոմեր շինել, անասունները պահպանել, որոնք սատկելու պակասելու իրաւունք չունին՝ նոքա միայն պիտի ծնեն և աւելանան. օրինակ նորա ոչխարները ու կովերը ամեն տարի անպատճառ պիտի տան մի մի գառն, մի մի յորթ և նշանակեալ իւրը, պանիրը և բուրդը, Հակառակ դէպքում գիւղացին պատասխանատու է:

Հողի սեպհական իրաւունքին երկու տէրեր կան, կառավարութիւնը և խաները: Ամեն մի գիւղացին տասին երկու տասանորդ է վճարում արմտիքից և ընտեղեններից, բացի բամբակը, որ երեքից մեկն են վճարում և ի վերայ այսր ամենայնի գիւղացին իրաւունք չունի իւր արմտիքը ծախելու: Եթէ արտասահմանում լաւ գին է հանում ցորեանը, բուրդը կամ բամբակը, խանը իւր կամեցած գնովը առնում է գիւղացուց, որը պարտական է իւր անասուններովը տեղափոխել արդիւնարեբութիւնքը մինչև խանից նշանակեալ տեղը:

Սահմանակից քաղաքներում, ինչպէս Նախիջևան, Երևան, Շուշի, Գանձակ և այլ ամեն տարի լցվում են պարսկաստանցի մշակների մեծ բազմութիւն, որոնք աղքատութեան յետին

պատկերն են ներկայացնում: Երբ ես Պարսկաս-
տանի հիւսիսային սահմանները չէի պտտել,
հարցնում էի ինք իրենս, երբ այդ ողորմելիներին
տեսնում էի, բաց օդումը թաւալած, կամ
անխնամ պատի տակին մեռնելիս, ի՞նչ է ստի-
պում այդ մարդոց թողնել տուն, տեղ հայրե-
նիք, եթէ ներելի է դրանց ունենալ սիրելիք,
ամբողջ օրը տանջվել ծանր աշխատութեան
տակ, ամբողջ գիշեր տանջվել անպատասպարան
բաց օդումը և ջերմախտից, կամ ուրիշ հիւան-
դութիւններից բռնված անդարման ճանճերի
պէս մեռնել պատերի տակ: 2է՞ որ դրանք ան-
կախ ազգի որդիք են, ներկայ ունեն, թագաւո-
րութիւն ունեն, ազգային ինքնասիրութեան
պարծանքի համար, բայց Մագուայ գիւղերը
տեսնելից զկնի խնդիրը պարզվեց:

Երգարև շնայեած, որ ազգային ինքնասիրութեան
առարկայ կայ, ներկայ կայ, բայց թաթարը բախ-
տաւոր է համարում ինք զինք, որ Ռուսաստա-
նում է օդ ծծում, գոնէ այդտեղ նորա փորը կշտա-
նում է, գոնէ նա աղատ է բաց օդի մթնօլորտի
տակ, Երան ոչ ոք չի ստիպում, որ իւրը գեռ
ծարաւ, գնա խանի էշը ջրի, կամ ամբողջ տարին
չարչարվի, տիրողներին կերակրի, ինքը և իւր
ընտանիքը սոված տկլոր մնան:

Մի քանի գիւղերում, ուր ես իջևանեցի ուտե-
լու ոչինչ չ'գտայ, այստեղ յիշում եմ Եօլագեալդի

գիւղը. ամբողջ օր սոված պտտելից զկնի իջանք յիշեալ գիւղը և ինձ տարան ամենահարուստ գիւղացու տուն-հիւր, առաջնորդիցս խնդրեցի, որ մի քանի ձու գտնի ճաշելու համար, մի քառորդից յետ առաջնորդս վերագարձաւ դատարկ, նախատելով թաթարներին, որ «բարաքեաթ» չ'ունենն: Ես կարծելով որ ամեն բան փողով կարելի կ'լինի ճարել, ամեն մի ձուին քսան կուպէկ գին նշանակեցի, որ չ'լսված գին է այդ կողմերը, բայց զուր՝ մի ժամ առաջնորդս մի ուրբի ձեռքումը ամբողջ գիւղը մանգալով հաղիւ մի անպիտան հաւ էր գտել: Ես տանուտէրին հարցնում էի. «բա ձեր հաւերը ձու չե՞ն ածում»:

— Ածում են պատասխանեց կիսամերկ տանուտէրը, բայց ոչ մեզ համար. այսօր գիւղի բոլոր ձուերը հաւաքեցին խանին տանելու: Տանուտէրը ուղում էր ասել որ հաւերը իւրեանց ձուերը ազնուական արժանաւոր ճաշակների համար են ածում:

«Բայց դուք ի՞նչ էք ուտում», հարցրի ես:

— «Եթէ ցամաք հաց էլ ունենանք, այդ ևս բախտաւորութիւն է, պատասխանեց տանուտէրը:

Գիւղերում առհասարակ կնամարդիք, մանաւանդ օտարականներից, չեն ծածկվում: Մեզ ծառայող տան տիկնոջ, իմ կողքումս նստած

Թաթարները խիստ գովում էին: Նորանք նորան «Թարբիալի» (կրթված) ածականն էին տալիս: որովհետև տանուտիրոջ զինուորական ծառայութեան միջոցին: քանի տարի նորա կինը խանի անկողնոյն ծառայութիւն էր արել...

Դրանից յայտնուեց: որ Պարսկաստանի խորերը գնացող պահանջողական (КАРАУЛЬНЫЙ) զինուորների գեղեցիկ կանայքը տարվում են խանի տնական ծառայութեանը:

Երկիրը վաղուց է որ անտառներից զրկվել է. միայն փոքր Մասիսի հարաւային արևելեան կողմերումը տեղ տեղ հովանաւորուած են մացառներով: իսկ գիւղերը մեծ մասամբ փշատի ծառերով: որոնք հեռուից նորանց գոյութիւնն են յայտնում:

Ճանապարհների վերայ մի տեղեկութիւն տալու համար: ես մի հետաքրքրական պատմութիւն կանեմ ձեզ: Խալաչ գիւղից Մագու գնալիս հեռուից մի բազմութիւն էր երեւում: այդ թափօրը երբեմն շարժվում: երբեմն կանգնում: դարձեալ շարժվում: կրկին կանգնում էր: Այս կողմերի ճանապարհները այնքան ամայի և երկիւղալի են: որ նորա վերայ մարդիկների պատահելը չար նշան է: Երկար ժամանակ զիտակով մտիկ տուի: բայց չ'կարողացայ ոչինչ հասկանալ: Ճշմարիտ է որ երևում էր մօտ հարիւր քառասուն հոգուց

բաղկացած գիւղացիների մի բազմութիւն, որոնք բոլորն էլ զինված էին բրիչներով, բաժներով և թիակներով, նորանց միջին երբեմն երբեմն երևում էր մի Նւրոպական կառք:

«Այդ ի՞նչ բան է», հարցրի առաջնորդիցս: — «Այդ խանն է, որ ճանապարհորդում է», պատասխանեց նա:

Բանից երևաց, որ խանը Տիփսիսում կառքով մանգալը շատ է հաւանել, և դոցանից մինը գնելով Մագու իւր հետն է տարել և ճանապարհորդում է, բայց որովհետև շինուած ճանապարհներ չ'կան, խանը ամեն գիւղից «օլամ-չէք» (տարապարհակներ) է հանում և այն տեղեր, ուր՝ երկրի պատառուածքները փոքր են լինում, խանը հրամայում է «տօլդուրուն» (լցրէք), իսկոյն բրիչ բաժը գործ է դրվում, փոսը լրցվում և խանի կառքի անիւները գլորվում են վերայից. իսկ ուր որ խրամատը մեծ է, երկար ժամանակ է հարկաւոր լցնելու, հաւասարելու նորան, խանը հրամայում է «գալդըրըն» (վերցրէք), իսկոյն բազմութիւնը բարձրացնում է խանին և նորա կառքին անցկացնելով խրամատի միւս ափը:

Այդպէս, բարձրապատիւ խանը «տօլդուրուն»ով և «գալդըրըն»ով անցնում է Մագուայ խանութեան մի ծայրից միւս ծայրը, աւելի ճիշտ ասել, խանը բարեհաճում է իւր կառքով և

ձիերով արշաւել գիւղացոց ուսերի և պարանոցների վերայից:

Հայ բնակիչներ գտնվում են, ինչպէս յիշեցի, Մագուայ խանութեան մէջ, 100 տուն Մագուայ մէջ, 80 տուն Քեջմիջ-թափայ գիւղում, 50 տուն Թադէոս առաքելոյ վանքի գիւղումը— ընդամենը 230 տուն:

Թաթար բնակիչների համեմատութեամբ հայերին կարելի է բարբրաստիկ համարել: Իսկ էլ հայերը առանձին շնորհքներ չեն վայելում, ապրում են թաթարների նման միաձև կառավարութեան տակ, համանման պայմաններով. նոքա նոյնպէս խաների արտերը մշակում, անասունները պահում, ձրիապէս աշխատում են, խանին տալիս են, քրդին տալիս են, բայց նրանց տները դարձեալ լիքն է տարեկան պաշարով. նաև ծախու են հանում իւր, պանիր և արմտիք: Ես մինչև անգամ Քեջմիջ-թափի երեսփոխի տանը չայ խմեցի և տաք կերակուրներ կերայ: Եթէ իրանց գիւղացոց հարցնես, ինչ է այդ իրանց և թաթարների մէջ եղած զգալի զանազանութեան պատճառը. նրանք կ'պատասխանեն որ դա «հայ քրիստոնէի տան խէր-բարտքաթն է, մեռոնի աւազանի և մկրտութեան սուրբ շնորքն է, որից զրկված են թաթարները»: Ճիշդն ասելով այդ զանազանութեան պատճառը հայոց աշխատասիրութիւնն է, որ նրանց առաւելու-

Թիւն է տալիս թաթարների վերայ և թաթար-
ների թուլամորթութիւնը ու ծուլութիւնն է,
որ այնքան ստորացնում է նրանց տնտեսա-
պէս:

Մագուայ հայ գիւղացին տնտեսապէս աւելի
ապահովուած է Տաճկա-Հայաստանի հայ գիւ-
ղացուց, նորա համար, որ Մագուայ գիւղա-
ցուն հարստահարող տարրը մի տեսակ է, խանի
կառավարութիւնն է. իսկ Տաճկաստանի գիւղա-
ցոց թշուառութիւնները առաջ են գալիս բազ-
մատեսակ հարստահարութիւններից, Մագուայ
քաղաքացին բոլորովին հաւասար է գիւղացու
հետ, քանի որ Տաճկահայաստանինը անհամե-
մատ բարձր է գիւղացուց ամեն կողմից, որի դէմ
գիւղացին չէ կարողանում մրցել, այլ ենթարկ-
վում է նորա ազդեցութեանը, Արովհետև այժ-
մեան հայ քաղաքացու բնաւորութեան մէջ ազ-
գային բարեմասնութիւնից ոչինչ չ'կայ, այլ
այդ ազդեցութիւնը բոլորովին եսական-շահա-
սիրական լինելով, նա գիւղացու հարստահա-
րողների շարքումը առաջին տեղն է բռնում:
Այնտեղ քրիստոնէի տան «խէր-բարաքեաթ»ը,
«մեռոնի սուրբ աւազանի շնորհի ազդեցութիւ-
նը» նուազ նշանակութիւն ունին: Հարստա-
հարող դասակարգի և նորա տեսակների հետ
ծանօթանալու համար հարկաւոր է մի քանի
խօսք ասել:

Ամեն կարգի քաղաքացիները, որոնք պարապում են առուտութեամբ, արհեստներով, տէրութեան ծառայութիւնով, իւրեանց պարապմունքների արտադրած ուղղակի շահերով չբաւականանալով, ցանկանում են և կողմնակի շահերունենալ: Այդ ամենքը իւրեանց ուժի և կարողութեան չափ, իւրեանց պատրաստ ծառայութիւնը յայտնում են գիւղացուն, հոգալով նորա զգեստեղէնների պիտոյքը և փոխառական դրամ: Այդ օպերացիայի մի տեսակը անուանվում է «սալաֆ»:

Քաղաքացին գիւղացուն տալիս է դիցուք մի օսմանեան ոսկի, կամ նորա արժողութեամբ ապրանք, որը պարտական է մերձակայ հունձին մի ոսկու փոխառութեանը, երկու չափ ցորեան տոկոս վճարել, (ամեն մի չափը հաւասար է այստեղի չորս փութին) այժմեան գնով եթէ հաշուենք մի չափը արժէ մի մէջիդեայ. մի օսմանեան ոսկին կազմուած է հինգ մէջիտից, ուրեմն քաղաքացին գիւղացուց վեց ամսուայ ընթացքում մի օսմանեան ոսկուն՝ $\frac{2}{3}$ կամ 5 մէջիտից երկուսը տոկոս է ստանում: Եթէ վեց ամսեայ ժամանակ 10 մէջիդեան բերում է չորս տոկոս, նշանակում է, որ տարին տասին ութ տոկոս է ընկնում, կամ հարիւրին ութսուն:

Այս ձևը արտիճանարար սնանկանալու ձևն է:

որ հետզհետէ գիւղացու կայքը, հողը ընկնում է վաշխառուի ձեռքը և այնուհետև նա դառնում է քաղաքացու արծաթագին ստրուկը:

Սան գիւղացիներ, որոնք յանկարծական պիտոյքի համար ծախում են իւրեանց ցանածի, աշնցանի կամ գարնցանի կանաչը, որովհետև այդ կանաչների արդիւնքը ակներև չէ, քաղաքացիք ամենաչնչին գներով տէր են դառնում գիւղացու քրտանց արդիւնքին:

Երբ գիւղացին որևէ կերպով վտանգվում է, օրինակ եթէ գողանում, հափշտակում են նորա եղները, անասունները, կամ վարակիչ հիւանդութիւններից սատակում են, եթէ այրում են նորա դէզը և մարագը, եթէ երաշտից, մորեխից, մկներից ոչնչանում է նորա ցանքը այսպիսի հազար մի տեսակ հանգամանքներին ենթարկված գիւղացին, փոխատու ընկերութիւններ չը լինելուց, վերականգնելու մտօք, դիմում է վաշխառուին, գնում է նրա ոտի տակ իւր տունը, տեղը, կայքը հողի սեփհականութեան իրաւունքը և ստանում է ցանկացած փոխը, այնպիսի պայմաններով և տոկոսով, որ երբէք չի կարողանալու հատուցանել ու այդպիսով գիւղական ընտանիքներ կործանվում են անկանգնելի կերպով: *

*) Որքան որ գիւղերը աւելի մօտ են քաղաքին, այդչափով էլ աւելի խիստ ենթարկված են քաղաքացոց հա-

Պատուաւոր քաղաքացոց մի մասը ևս չարչի-
ներից է կազմված, որոնք զանաղան չնչին առար-
կաները ման են ածում գիւղերը և խեղճ գիւ-
ղացոց խաբում շիշի կտորների, ասեղների,
ուլունքների հետ փոխելով փութերով ցորեան,
գարի, իւղ, պանիր, ձու և այլն և այլն:

Գիւղացու հարստահարողների երկրորդ տեղն
են բռնում վանքերը:

Պատմական ժամանակից մնացած ամեն մի
վանքը իւր թէմն ունի, չ'կայ ոչ մի հայ գիւղ,
որ մի վանքի չը պատկանի: Գոցանից մեծ մա-
սը հայոց ազնուականներու թողած կրօնական
ջերմեռանդութեան յիշատակն են, որոնք իրանց
սեպհականութիւնքը նուիրել են զանազան վան-
քերին: Ամեն մի թէմ պարտաւորուած է իւր
աթոռը (վանքը) պահելու, այսինքն կերակրելու
նորա միաբանութեան, վճարելով պտղին, որ
բաղկացած է ցորենից, գարուց և ընդեղէններից:

ըրստահարութեանց եւ աւելի շատ աղքատ են: Օրինակ
Վանայ շրջապատի Թեմար անունով գաւառը եւ Ռշտու-
նեաց գաւառի հիւսիսային մասը Վասպուրականի բոլոր
գաւառներումը ամենախիստ կերպով հարստահարված,
ամենից սաստիկ վտանգված աղքատներն են. դրանցից է
կազմված Վանեցի մշակների մեծամասնութիւնը:

իւղ, պանիր մատաղացու, ոջու*) և հոգերա-
ժին. այդ բաւական չէ, թէ՛մը պարտական է ու-
ղարկել ձրի մշակներ, որոնք վարեն, հնձեն վանքի
արտերը. Ես ինքս ականատես եմ եղել Լ.իմ-
Անապատի մի ժողովարար վարդապետի բռնու-
թեանը. Գիւղացիք չէին կարողացել նորա պա-
հանջած իւղի քանակութիւնը ամբողջապէս
վճարել. հոգեսէր հայր սուրբը անիծելով գիւ-
ղական համայնքի ամբարշտութիւնը, եկեղեցոյ
դուռը փակեց և բանալին գրպանը դնելով հե-
ռացաւ. Տարակոյս չը կայ որ մինչև գիւղացիք
նշանակեալ իւղի պակասորդը չը լրացրին և
քանի մի ֆունտ էլ հայր սուրբի սիրտը և օրհ-
նութիւնը առնելու համար չ'աւելացրին, եկեղե-
ցու դուռը չը բացվեց:

Բացի այս վանքական պարտադիր տուրքերը,
անպակաս են լինում միշտ պատահական ժողո-
վարարութիւնները. օրինակ վանքի պարիսպը
քանդվել է, կամ մի այլ վերանորոգութիւն
պէտք է անել, այդ ամենը թեմականների պարքն

*) Ոջու նշանակում է կամաւոր տուրք. Ոջուն եւ կո-
ղտուլուքը միայն սուրբ կարապետի եւ Աշոյ վանքերումը
հաւարելու սովորութիւն կայ. Սուրբ կարապետի վանքը
ամենամեծ թէ՛մն ունի, որ բաղկանում է 7 դաւառից:
Կարա մատակարարում են 300 հոգի միաբանութիւն ու-
նեցող վանքին մի տարումը երկու ասրուայ ուտելեղինաց
պաշար:

է: Եկեղեցականները նաև զանազան սրբոց մասունքներով շրջում են գիւղէ—գիւղ, քաղաքէ—քաղաք:

Երրորդ տեղն է բռնում կառավարութեան հարստահարութիւնը: Տասանորդական տուրքը գիւղացիք վճարում են տասին մէկ: Եւ բոլոր տեսակ տուրքերը միասին հաւաքած ամէն մի գիւղական շնչից պահանջում են մի մէջիտեայ:

Բայց այդ տուրքերը չեն գիւղացոց այնքան վնասողը, որքան տուրք հաւաքողները, որոնք անասելի չարիքներ են գործում գիւղերումը: Աւելի վատ է լինում, երբ որ կառավարութիւնը տասանորդական տուրքերի երեսը ծախում է կապալառուներին: (Կապալառուները մեծ մասամբ ընկերութիւն են կազմում խառն հայ և թուրք գրամատէրներից): Գնող շահախնդիր կապալառուն, որքան որ ոյժ ունի ճնշում է գիւղացոց աւելի մեծ արգիւնք ստանալու համար:

Բացառութիւն է կազմում միայն վարազայ վանքը, որ թէմականաց նուիրատութիւնը նոցա ազատ կամքին է թողել: Չնայեա՞ծ որ յիշեալ վանքը երիմեան Հայրիկի հովանաւորութեան տակ, որքան կարողացել է իւր ուսումնարանից տուել է գիւղերին վարժապետներ: Իհարցեալ ընկերութեան վասպուրականում ունեցած բոլոր ուսումնարանների վարժապետները վարազայ ուսումնարանի աշակերտներն են:

Շատ անգամ, մանաւանդ առատ տարիներումը, երբ արմտիքները աժան են լինում, գիւղացին ամենամեծ դժուարութեան մէջ է ընկնում, կապալառուները, կամ նորանց հետ դաշնակցած կառավարութիւնը նորանից տասանորդական տուրքը արմտիքով ստանալու փոխարէն, արմտիքի արժէքը փողն են պահանջում: Գիւղացին ստիպուած է լինում խիստ պակաս գնով արմտիքը ծախել, պահանջած գումարը ձեռք բերելու համար: Այդ վնասի հաշուովը գիւղացու վերայ տասանորդական տուրքը համարեայ տասին վեց է նստում:

Ամենից յետին կարգումը դասաւորվում են քրդաց հարստահարութիւնները, որոնց համար շատ անգամ աւելի խիստ խօսված և գրված է:

Գորանց բոլոր ճնշումը կայանում է գողանալումը, թալանելումը, վրէժխնդրութեան հոգով եղած հրդէհներումը: Բացի այդ իւրաքանչիւր հայ գիւղացին քրդերից իւր «քրիվան» (կնքաւոր) ունի, որի սիրտը շահում է իւր ստացուացքի պաշտպանութեան համար:

Ես նորա համար քրդերի հարստահարութեանց նուազ նշանակութիւն եմ տալիս, որովհետև գիւղերում կատարված գործնական փորձերը ցոյց տուին, որ դա վաղանցուկ է, անդարմանելի չէ: Այն գիւղերը, որոնք ապացուցին, թէ իւրեանք իւրեանց ապրանքին տէրն են

և պատժել են և կարող են պատժել իւրեանց իրաւունքները բռնաբարողներին, քրդերը նորանց հետ շատ ակնածութեամբ և պատկառանքով են վարվում: Քրդերը միշտ թալան են, յափշտակել են անտէր ապրանքները, որոնց տէրերը քաջասրտութիւն չեն ունեցել գործով ապացուցանալու թէ իւրեանց ստացուածքները իւրեանց սեփականութիւնն է: Քրդերը այդպիսեաց միշտ տուել են անողոք դասերը, թէ այն գիւղական հասարակութիւնը, որ քաջասրտութիւն չ'ունի իւր սեփականութիւնքը պաշտպանելու, անարժան է նրանց վայելելու շնորհին: Գորա համար էլ քրդերի հարստահարութիւնները վտանգաւոր բնաւորութիւն չ'ունեն և ինքն ըստ ինքեան վերջանում են, մի քանի գիւղական համայնքների անձնապաշտպանութեան համար ցոյց տված օրինակները տարածվում են հետզհետէ բոլոր գիւղերի մէջ:

Կառավարութեան հարստահարութիւնքը նոյնպէս մշտնջենաւոր չեն, մանաւանդ, որ, երբ դոքա դաշնաւորված չեն, զրամատէրերի հետ: Գոքա կախված են կառավարութեան ձեռի և ուղղութեան փոփոխութիւնից:

Նա, որ դարաւոր ժամանակով, սկսած պատմական ամենահին անցեալից, հարստահարել է, այժմ հարստահարում է և յոյս ունի ապագայում աւելի ընդարձակ չափերով հարստա-

հարել, նա այն ամենավտանգաւոր, կործանող
դասակարգութիւնն է, որ հնում ինչպէս ազ-
նուական է յայտնուել, այժմ ինչպէս կալուա-
ծատէր, իբրև պատուաւոր քաղաքացի, և իբ-
րև չարչի քաղաքացի. իսկ ապագային կմնայ
իմանայ թէ նա ինչ անուն կը կրէ. . . .

Այժմ գիւղացին երբ որ վտանգվում է ա-
նարգար կառավարութեան կաշառակէր պաշ-
տօնեաներից, քրդերի յափշտակասիրութիւնից,
նա դիմում է իւր կարող ազգակցի օգնութեան.
Իսկ այդ արեւակից կեղծաւորը, քաղցր խօսքե-
րով տիրում է նորա ստացուածքին, դնում է
նորա վզին յաւիտենական ստրկութեան տա-
ռատոկը. . . .

Գիւղացին տէրութեան պաշտօնեաների հարս-
տահարութեան տակ հեծում է, քրդերի հարս-
տահարութեան տակ տրտնջում բողոքում է,
հարստահարող ազգակցի հարստահարութեան
տակ անմոռունջ զոհի պէս ոչնչանում է:

Այսպէս են փոխակերպվում համեստ երկրա-
գործ ընտանիքներից օրահացին կարօտ մշակ-
ները:

Այսօր մեծ, ունկնդիր, քո առաջից անդադար
անցուդարձ անողը, քու ծառայութիւններդ
կատարողը, քու աղբ ու կեղտ մաքրող բրդգզած
արարածը, որ անցնում իւր օրը գրաստի շար-
շարանքով, գիշերում է խոնաւ, հոտած անկիւն-

ներումը, հեռու, կարօտ իւր սիրելիներից, թաղվում է ահամայից քո քաղաքի ապակա- նութեանց մէջ, դա քո ձեռքից հարստահար- ված նախկին երկրագործ, այժմեան ստրկացած մշակն է, որի դուռը ժամանակով շատ մեծ էր քու դռնից, շատ նորա հիւրասէր հարկի տակ քեզ նմանները ասպնջականութիւն են գտել, շատ կարօտներ օգնութիւն, ապաստանարան են գտել: . . .

Ի այց եթէ նորան յաջողվեց այդ թշուառու- թիւնների մէջ չմեռնել և հայրենիք, ընտանեաց գիրքը վերագառնալ, քեզանից ի՞նչ ժառանգու- թիւն, ընծայ պիտի տանէ իւր հայրենիքին, իւր ընտանիքին, — Միայն քո քաղաքի անպարկեշ- տութիւնքը, Սիրենի անբժշկելի ցաւերը, քու արբեցութիւնքը, քո շռայլութիւնքը, որոնցմով այդ թիւնաւորվածը, անարժան անպէտք կը գտնուի գիւղական պարզ, անմեղ կեանքին և աշխատասէր պարապմանց:

Երբ մի ազգային մարմին ձգտում է ինքնա- գոյութեան, ամենից առաջ նա լրջորէն ուշա- դրութիւն պէտք է դարձնէ թէ իւր ներքին կեն- սական ուժերի միաւորութեան կապը ի՞նչ պայմանների մէջ են գտնվում: Առանց այդ միութեան անքակտելի և սերտ համերաշխու- թեան շատ վտանգաւոր է մտնել մի անսովոր ծանրութեան տակ, որին ոչ մի փտած, անհա-

մերաշխութիւնից քայքայված, կամ կեղծ համերաշխութեամբ միացած հիմքերը շէն կարող դիմանալ և պատճառ կը դառնան աւելի անողորմ վերակործանման: Այդ կենսական ներքին ուժերից նշանաւորը տնտեսական հարցն է: Դա կենսական շրջանառութեան յարաբերական կապն է, մի հանրութեան մէջ գտնված ամեն աստիճանի դասակարգութեանց համար:

2ը կայ մի դասակարգ, 61-երրորդ յօդուածի իրագործմանը շը ցանկսնար, բայց ամեն մի դասակարգը իւր ցանկութեան բոլորովին տարբեր տեսակէտովն է նայում դորա վերայ:

Ենտեղի գենցիան և Տաճկաստանի էֆէնդիների երես արած խմբերը նայում են նորա վերայ, ինչպէս մի միջոցի վերայ, որ նրանց կը մատակարարէ իշխանական ազդեցութիւն, կառավարչական բարձր պաշտօններ, դրա համար լինի թերևս որ այդ խմբերից մի քանիսը արդէն ձըգտում են հասնելու ազնվութեան:...

Վաճառական, կալուածատէր, շարչի քաղաքացիները երազում են իւրեանց լայնածաւալ օպերացիայի վերայ, մի այնպիսի գործ, որին միշտ կը դաշնակցի ազնուական ազգակիցների տիրապետական ոյժը և դրա համար Տաճկաշայաստանում արդէն գնվել են և գնվում են լայնատարած գիւղեր, հողեր:

Այժմ համարեա թէ մեծ մասամբ հողատէ-

րերը քաղաքացիներն են, գիւղացիները համարեայ ոչինչ չունին:

Գիւղացու ակնկալութիւնը բոլորովին տարբեր է: Նա սպասում է այն վիճակին, որը երբէք չէ վայելել և ոչ իւր նախնիքը պատմական կեանքումը: Նա սպասում է թշուառութեան արտասուքները սրբելու, կեանքի անդորրութեան, ազատ շունչ քաշել, աներկեան օրեր, ապահովութիւն իւր կեանքին, իւր ստացուածքին և իւր գործին: Նա ցանկանում է թողնել իւրեան միայն, որ նա կարողանայ լծել իւր առատութիւն պարգևող գութանը, մշակել դարբերով խոպան մնացած երկիրը և ընտանեկան ցնծութեամբ հնձել աշխատասէր ձեռների պլտուղը: Կարողութիւն ունենալ պատրաստ պահելու իւր հիւրասէր սեղանը բոլոր անցաւորների համար և նոցա հետ զուարթ սրտով բաժանել արդար վաստակի արդիւնքը: Երջանիկ լինել ընտանիքով, երջանիկ լինել դրացիներով և բոլոր գիւղացիներով:

Մի շատ համեստ և աշխարհաշէն ցանկութիւն, որին չեն հասել բռնակալների տիրապետութեան օրերումը, չեն էլ հասնիլ ինքնագոյութեան ժամանակին:

Եթէ այսպիսի տարբեր հակադրական մտքերով և զգացմունքներով կարելի լինի հասնել մի նպատակի, որի համար գերբնական կամ գե-

րազգային ոյժ է հարկաւոր, այն ժամանակ ճըշմարիտ է, որ գիւղացու վզից կը վերառնեն նորա քրտինքով տոգորված, ճնշող, կեղտոտ լուծը։ նորա տեղը կը դնեն նորը, փառքերով զարդարուն, բայց աւելի ծանր, սեպհականը, որի քրտինքը միշտ պէտք է լուանալ արիւնով։

Նորան կ'ասեն լայգ նոր լուծը թէև ծանրէ, բայց քո սեպհականն է, քաշիր հոգիդ դուրս գայ։

Այն ժամանակ գիւղացին կը զգայ, որ թէև քրդեր և արտաքին հարստահարողներ այլևս չը կան, բայց իւր վիճակը աւելի և աւելի ծանրացել է, ներկան անցեալից աւելի վատ։

Այդ ծանրութեան տակը նա ընկճում է, կործանելով իւր վերայ հաստատված շինութիւնը, տրորվելով նորա տակը։

Ազգութեան գոյութիւնը ազգային սնափառութեան առարկայի համար չէ, այլ ազգային բարեկենդանութեան համար է. իսկ ազգային բարեկենդանութեան հիմքը գիւղացու բարեկենդանութիւնն է։

Ես անզգալի կերպով Պարսկա-Հայաստանից անցայ Տաճկա-Հայաստանը և կատարեցի մի մեծ խոտորումն, որի համար մեծ ներողութիւն խնդրելով վերադառնում եմ Մագու։

Այս քաղաքի սակաւաթիւ հայերը իւրեանց ըզ-

գեստներովը կեազտիակից ¹⁾ մինչև պուճուճակ ²⁾ սափրած գլուխներով քիւրեանց առտնին սովորութիւններովը բոլորովին թաթարներից չեն զանազանվում: Մատնում է միայն հայերէն լեզուն և փոքր ի շատ է տիպը: Մի եկեղեցի ունին Վարմիր Վարդանայ յիշատակին կառուցած, ուր մի քահանայ կատարում է կրօնական ծէսերը, միևնոյն քահանան նաև կարգալ գրել է սորվեցնում մանուկներին, ժողովրդի մեծ մասը արհեստներով են պարապած, որոնք ձանձրացած են խաներին ձրիապէս աշխատելուց: Մի քանի հոգի միայն Վարնոյ հետ առևտրական յարարութիւն ունին, ուր փոխում են Եւրոպական ապարանքների հետ տեղական գորգեր, Վապերտներ, մազեղէններ և բամբակ:

Այս կողմերը քաղաք չը լինելու պատճառաւ Մագուն քաղաք է յիշվում: Բայց նորա բնակիչները գիւղացիներից այնքան զանազանվում չեն. նորանք մինչև անգամ գիւղացուն հարստահարելու հմտութեան չեն հասել: Հին բնակիչներից ոչ ոք չէ մնացել. այժմեան սերունդը Բայազիդից և Տաճկա-Հայաստանի զանազան տեղերից ժողովված մի հաւաքածու է: Ազատ են ամեն տեսակ հարկերից, բայց պարտաւորված

1) Կեազտիկ—темя. 2) պուճուճակ—затылок: Վաներցոյ քարքառից:

են ամենքն էլ պատերազմի գնալ երկրի պաշտ-
պանութեան համար:

Ժողովրդական կեանքի հետ ծանօթանալու
համար ես մի քանի տուն հիւր գնացի. իմ
շուրջը ժողովում էին քաղաքի նշանաւոր ան-
ձինք. քահանան, Թաղէի վանքի վանահայրը,
որ նոյն միջոցին պտղի հաւաքելու համար էր
եկել, ազգային վիճակից տեղեկութիւններ լսե-
լու: Սաստիկ հետաքրքրւում էին Ռուսաստա-
նի նշանաւոր հայերովը: Ռուսաց բանակի երե-
ւելի հայ զօրապետների անունները անգիր գի-
տէին: Նոքա հրացան ուսին իւրեանց բարձունք-
ներից ականատես էին եղել ռուս տաճկական
պատերազմի եզրակացութեանը: Նրանք ամեն
օգնութիւն տված էին Բայազիդի հայոց կոտո-
րածից ազատուածներին:

Յ1-երրորդ յօդուածի շտապիւնը նրանց ա-
կանջին ևս հասել էր: Նրանք լաւ ծանօթ էին
Ներսէս, Խրիմեան անունների հետ, բայց զար-
մանալին այն էր, որ ինչպէս Լուսինեան ար-
քեպիսկոպոսի արքայական շողշողուն անունը
Մասիսից այն կողմը չէր անցել: Ինձ համար էլ
կարծում էին, որ ես Ռուսաստանի հայոց գոր-
ծակատարն եմ, հատկապէս ուղարկուած նրանց
վիճակը քննելու և դարմանելու: Ես չը կարողա-
ցայ նրանց կարծիքը ստել, չը հաստատել:

«Խօսք կը տաք ինձի», հարցրի ես, «որ եթէ

Երևանից ձեզ լաւ գրքեր ուղարկեմ, հաւաքուել ամեն կիւրակէ եկեղեցոյ սենեակումը և կարգալ միասին, Ամենքը խօսք տուին և արդարեւ ես Երևանից Ռուսաստանի հայոց անունով յիսուն կտոր գրքեր, գլխաւորապէս ազգային վիպասանութիւններ, ուղարկեցի Մագու, որոնք հաւաքել էի զանազան անձնաւորութիւններից:

Տէրտէրը ինձ խորհուրդ տուեց, որ լաւ կը լինէր յորդորական մի թուղթ ևս ուղարկել եկեղեցումը կարգալու և ես ուղարկեցի նրանց իմ շրջաբերականը:

Սյդ միջոցին, կարծես, ես լինէի ամենայն հայոց ընդհանուր կաթողիկոսը:

«Լրագիրներ ստանում էք», հարցրի:

— «Մեզ նման ուամիկներին ի՞նչ է սազում գազէթ կարգալ», պատասխանեցին:

Նրանք կարծում էին, կան շատ բաներ, որ ուամիկները իրաւունք չ'ունին վայելելու:

Լրագիրների վերայ խօսք բացուելիս, նոցանից մէկը հարցրեց, արդեօք ճանաչում էի ես Մշակ արքեպիսկոպոսին:

«Ի՞նչ Մշակ արքեպիսկոպոս», պատասխանեցի:

— «Նա որ գազէթ է գրում», — պատասխանեց Մագուեցին:

Հասկանալի էր որ «Մշակի» մեծ խմբագրի համար էր խօսքը:

Որովհետև Եւրոպայ գնացող ազգի պատգամաւորները և այժմեան գլխաւոր գործողները արքեպիսկոպոսներ են, այդ համոզմունքով երևի «Մշակ»ի խմբագրին ևս եպիսկոպոս են կարծել:

«Պամենուժէք», հարցրի, «այդ ձեր ձեռնագրած արք-եպիսկոպոսի գաղէթիցն ստանալ կարգալ»:

— Որ ուզենանք կ'ուղարկէ», հարցրին:

«Ի՞նչու չէ», շարունակեցի, «եթէ տաս ուրլի բաժանորդագին ուղարկէք շուտով կը ստանաք»:

Տաս ուրլու խնդիրը քիչ տարակուսական տպաւորութիւն գործեց, բայց և այնպէս երեք հոգի գտնուեցին, որոնք պատրաստ էին 2 ր. 50-ական կոպէկ վճարել: Լրութեան համար պահասումէր չորրորդը, այդ տեղն էլ ես բռնեցի և այժմ «Մշակ»ի համարները մտնում են Մագու:

«Այցեւլում են ձեզ հայոց վարդապետները» հարցրի:

— «Ոչ, մենք Էջմիածնից մոռացուած ենք. և ինչու համար պիտի գան. և ի՞նչ ակնկալութիւն ունեն մեզպէս աղքատ և սակաւաթիւ ժողովրդից», տխրութեամբ պատասխանում էին:

Պէտք է շնորհակալ լինենք միսիօնարներից:

որոնք մեր հոգևոր կառավարութեան պարտքերն են կատարում. թէև հաւատացեալներ չ'ունին, բայց տարին մի քանի անգամ այցելում են, ձրի կամ աժանագին տարածել են նորանց մէջ հայերէն աշխարհարառ լեզուով ընթերցանելի գրքեր:

Բայց պէտք է նաև նկատել, որ այդ գրքերը բոլորովին միակողմանի են. Որքան որ ինձ տես-
րումը պատահեց տեսնել դրանց տեսակները և ծանօթանալ բովանդակութեանց հետ, այս աշ-
խարհի կենցաղավարութեան համար ոչինչ չը
կար. այդ ամենը վերաբերվում էին մարդու հան-
դերձեալ կեանքին, ինչպէս «Երկնքի ճանա-
պարհ», «Պենաց ջուր» և այլն:

Անխղճմտանք ձև է ժողովրդի հետ այդպէս
վարուելը. ոտի տակ տալով նորա տեսանելի
քաղաքատնտեսական ներկան և լարել նորա ու-
շադրութիւնը ապագայ, վերացական հանդեր-
ձեալի վերայ միայն. Այդպիսի հոգևորականներ
մենք էլ ենք ունեցել, այժմ էլ դեռ ունինք
Տաճկա-Հայաստանումը, որոնք խրատում են
համբերութեամբ զոհել բռնաբարոզին ընտա-
նիք, ստացուածք, համոզմունք, անձնասիրու-
թիւն. տանել առաքինութեամբ բոլոր կսկիծնե-
րը, զրկանքները, անպատուութիւնները, խայ-
տառակութիւնները երկնքի արքայութեան հա-
մար:

Երկրի արքայութեան վերայ հայ — քրիստոնէին մտածելն անգամ մեղք է:

Միսիօնարների տարածած այդ երկնային գլը-
քերը քրքրելիս, աչքս ընկաւ մի երկրային
գրքի. «Դաւիթ-Բէկի» վերայ. ուզում էի աչ-
քերիս չը հաւատալ. Բայց նա էր:

«Որտեղից էք ճարել այս գիրքը» հարցրի:

— «Քրդերից», պատասխանեցին:

«Քրդերից», այս անգամ էլ ականջիս չէի
ուզում հաւատալ: «Ի՞նչպէս թէ քրդերից»:

— «Ա՛յո, քրդերից, այստեղ ի՞նչ զարմա-
նալու բան կայ», ասում էր տանուտէրը. «Քրդ-
ները անցեալ օրեր հինգ օրինակ բազար բերե-
լով հատը հինգ կոպէկով ծախեցին»:

2ր լինի թէ, մտածում էի, քրդերն էլ հոգս
են տանում մեր վիճակի վերայ և արդէն սկսել
են հայերի մէջ պրօպագանդ անել, ընթերցա-
նութիւն տարածել. Կեցցեն քրդեր, ուղղու-
թիւնը վատ չէ, նոցա տարածածը երկրի թա-
գաւորութեանն է վերաբերում, արժան է, այդ-
պիսով նրանք միսիօնարներից երևի կը խլեն
յաղթութեան մրցանակը:

«Բայց քրդերը որտեղից են գտել», կրկնեցի:

— «Դա շատ պարզ է», աւելացրեց տանու-
տէրը: «Քրդերը կողոպտած կը լինեն մի հայի,
վեր առած կը լինեն նորա փողերը ու շորերը, որ

իրանց հարկաւոր է, գրքերիցն էլ կամեցել են, որ մենք օգուտ քաղենք:

Քրդերի արածը թէև անգիտակցաբար, գողութեամբ, բայց մի բողոք է «Գրքերի հրատարակող Ընկերութեան» դէմ, որ մինչև այժմ անսնունդ թարգմանութիւններով է կերակրել մեր անսովոր ստամոքսները և մենավաճառութեան տակ է դրել «Գաւիթ-Բէկի» երրորդ հատորի տարածումը:

Եթէ այդ սարի առաքեալներին մի օր յաջողուէր գրավաճառանոցները մտնել, կամ անդամ դառնալ «Գրքերի հրատարակող Ընկերութեան» այն ժամանակ մենք արժան և օգտակար գրքեր կունենայինք:

Այդ կողմերում եղած բոլոր ցեղերի մէջ իւրեանց աղանդովը, աշխատասիրութեամբ, պարապմունքներով, հարստութեամբ, թւով նշանաւոր են Գարայ—Գոյունցիք, Գոքա մօտ երկու հազար տուն են և բնակվում են մեծ մասամբ Աւարայր դաշտի հիւսիսակողմը, Թաթարները դրանց անուանում են «Ալ—ալլահի» (Ալուն Աստուած բնգունողներ) և «Զրա—սօնդիւրան» (Ճրագ փչողներ): Սոցա աղանդը երիստօ—կրակապաշտական մի խառնուրդ է:

Գարա—Գոյունցոց գիւղերումը մնացի մի քանի օր և որքան կարելի էր աշխատեցի ծանօ-

Թանալ հետևեալ կրօնական արարողութիւնների հետ՝

Նոքա տարին մի անգամ կատարում են սըրբազան կրակը լուցանելու արարողութիւնը: Արևմտին բոլոր գիւղի երկսեռ բազմութիւնը հաւաքվում է մի ընդարձակ յարկի տակ: Այնտեղ պատրաստուած է լինում արդէն վառելիք յատկապէս արարողութեան համար պատրաստված կրակարանումը, ուր ուրիշ ժամանակ չեն վառում: Երբ բոլոր բազմութիւնը ժողովուած է լինում, բաց են անում գլուխները և խորին հանդարտութեան մէջ աղօթում են լռելեայն հետևեալ մտքով՝ «ով երկնքի պարգև, որ ամեն օր իջնում ես երկիրը, միշտ ջերմութեամբ կեանք ես տուել մեր պապերին, և մեր հայրերին, հասացրել ես նոցա արտերը, պտուղները, կանաչացրել ես նոցա դաշտերը, ծառերը, այրել մաքրել ես երկիրը իւր կեղտերից, քու կենդանութեան անսպառ աղբիւրը մեզանից էլ անպակաս արա ամեն ժամանակ, ամեն տարի, ամեն օր»: Միևնոյն միջոցին հանգցնում են բոլոր լոյս տւող ճրագները*): Նոցանից ամենապատկառելի

*) ի տ ա ն օ թ . Այդ սովորութիւնից առաջ եկած է «Չրա — սոնդիւրան», անուանակոչութիւնը, որի համար Թաթարները խիստ կայտառակ պատմութիւններ են անում, որպէս թէ ընդհանուր խառնակութիւն է լինում այդ մթութեան մէջ, քայց այդ ամենը սուտ են:

ծերունին երկիւղածութեամբ մօտենում է փայտակոյտին, մըմնջելով յիշեալ աղօթքը, և տալիս է կրակ, Այն ժամանակ, ամենի աչքերը սևեռվում են փայտակոյտի արծարծուող բոցեղէն լեզուների վերայ: Որքան այրումը սաստկանում է, այնքան էլ աւելանում է աղօթողների եռանդը: Կրակը հանգչելիս նոյն լուսով վառում են հանգցրած ճրագները և հայոց Տեառնընդառաջի սովորութեան պէս շատերը այդ լուսից բաժին են տանում իրանց տան ճրագները վառելու: Շատերը այրում են իւրեանց քղանցքի անկիւնը: Փայտակոյտի մնացորդ, մոխիրը շաղ են տալիս արտերումը:

Մասնաւոր մատաղներ միշտ լինում են, բայց Գարա—Գոյունցիք մի ընդհանուր մատաղի արարողութիւն ունին, որ տարին մի անգամ են կատարում:

Այդ արարողութիւնը առանց կրօնաւորի չի կարելի կատարել, դրա համար գալիս է կրօնաւորը, որին շէյխ են անուանում, իւր ձեռքովը մորթում է մատաղացուն, եփում է, առանց ոսկորները կոտորելու, այնքան, մինչև ոսկորները ամբողջ բաժանվում են մսից, աւելացնելով մատաղի վերայ գինի և հաց նա հաւասարապէս բաժանում է բոլոր հաւատացեալներին, բացի երեխաները, Շէյխը իւր ձեռքովը մատաղի ոսկորները թաղում է:

Մի երրորդ արարողութիւն ևս կայ, որ մկրտութեան է նմանվում: Երբ երեխան ծնվում է նորա համար գտնում են մի կնքաւոր, որին յանձնում են մի ընկոյզ: Անքաւորը պարտական է ընկոյզը պահել մինչև երեխի ինքնաճանաչութեան հասակի չափին: Այն ժամանակ կնքաւորը կժողովէ երեխին, նորա ծնողներին և ազգականներին, կը կոտրէ յանձնուած ընկոյզը կ'ուտացնէ նորանից երեխին և բոլոր ժողովածներին: Այնուհետև երեխան համարվում է կատարեալ մարդ և այնուհետև միայն իրաւունք ունի արարողական մատաղի բաժանմանը հաղորդակից լինել:

Ուշադրութեան արժնի է Գարա—Գոյունցոց նուիրական սօսի ծառերին կատարած ուխտը: Այդ ծառի տակին նորա հաւաքվում են օրերը տօնելու. Ճրագ, մօմ են վառում, խունկ են ծխում, մատաղ են անում: Այդ ուխտատեղիներին նրանք անուանում են «Գարա—օղլան» բառ առ բառ թարգմանութիւնը Աստուրական հայերի «թուխ—մանուկ» բառին: Հայերի մեջ բացի վանական ուխտատեղիները, կան երկրորդական ուխտատեղիներ. դոքա են քանդուած եկեղեցիների վերայ շինած մատուռները, ժայռերի միջի ծերպերը, ուր Ճրագ, մօմ են վառում, խունկ են ծխում: Չերմախտի ջրերը, ուր լողանում են ջերմողները, ծառեր, որոնց օստերի վե-

բայ կապում են հանդերձից պատուած կտորները՝ գլխից կտրած մազի փունջերը, Այդ ամենը անուանւում է «թուխ—մանուկ»:

«Գարա—օղլանը» միատեսակ միայն ծառերն են, որոնք որ այգու, արտի մէջ որ բուսնին, այնտեղը նուիրական կը դառնայ, Այդ ծառերը ոչ որ իրաւունք չունի կտրել, ծախել, վառել, բացի գիւղացիներից ընտրուած մի ընտանիք, որ գիւղի հիւրերը ընդունում է նրանց ծանրութիւնը իւր վերայ առնելու: Ամենամեծ անպատուութիւն է համարուած բեխեր կտրելը*, աւելի լաւ է «Գարա—Գոյունցու» գլուխը կտրել դորատեղ, Գարա—Գոյունցիք իւրեանց ծէսերը գաղտնի են կատարում, վախենալով թաթարներից, դրա համար ես իմ հետախուզութեան մէջ այնքան առաջ չը կարողացայ գնալ: Շատ բաներ կան, որ երկիւղից ծածկում են, նրանք արտաքուստ ձևացնում են իւրեանց մահմեդականների, բայց ոչ «օրուջ» (ծոմ) ոչ «նամազ» (աղօթք) են անում: Գինի օղին անխիղճ խումում են, առհասարակ հայ եղած տեղեր նրանց մօտ հիւր կ'իջնին և շատ համակրում են նոցա: Հայերիցը այն առաւելութիւնն ունին, որ ձմեռները պարապում են արհեստներով, առա-

*) Հայերի մէջ եւս բեխերը տղամարդութեան նշան է եւ նրանց կտրելը մեծ ամօթ է համարւում:

ւելապէս կտաւեղէններ գործելով: *Այդ գործուածքները և զանազան տեսակ մրգեղէնները գիւղէ գիւղ ման գալով ծախում են:

Երբ մի «Գարա—Գոյունցու» հարցնում ես «ի՞նչու դուք Ալուն աստուծոյ որդի էք դաւանում», նա պատասխանում է՝

— Ե՛րան, որին դուք Քրիստոս էք անուանում, միւսնոյն է, որին մենք Ալի ենք ասում, զանազանութիւնը անուան մէջն է միայն. մեր և ձեր մէջ եղած տարբերութիւնը սոխի կշեւի չափ է:

Այս ամենից զկնի ունկնդիրը թերևս կը սպասէ, որ ես եզրակացութեան համար անպատճառ «Գարա—Գոյունցոց» բանութիւնից թուրքացած հայեր կը հրատարակեմ. Եթէ մենք չորս միլիօն թուի տեղը տասը ունենայինք, դրա օգուտն ի՞նչ, որ դրանցից մտքի, կամքի, անբողջութիւն չէինք կարող կազմել, Սերբերը Սևսարեցիները, Բօլգարները Տաճկահայերից քիչ են, բայց մի տեսակ մտածողութեան, մի տեսակ զգացողութեան համազգային կապով մարմիններ են կազմում: Եթէ «Գարա—Գոյունցիք» իսկապէս թուրքացած հայեր ևս լինէին, ի՞նչ կարող էինք անել նրանց... Ի՞նչ են անում նրանց, որոնք դեռ թուրքացել չեն և նրանց, որոնք նոր թուրքանում են...:

Այոց ձորումը մօտ հարիւր գիւղ թուրքա-

ցած հայեր կան, որոնց անունները և մակա-
նունները յայտնապէս ապացուցանում են նոցա
հայկական ծագումից լինելը, մանաւանդ Նար-
ցիները, որոնք այժմ էլ ծածուկ քրիստոնէու-
թիւն են անում: Ո՞վ այցելեց նրանց, ո՞վ հո-
գաց, մտածեց նորանց վերայ, ո՞ր քաջ հովիւը
գնաց այդ կորուսեալ հօտերի ետևից:

Ինտելլիգենցիան զզվում է գիւղացուց. նրա
կեանքի թշուառութիւններից, կեղտից, ոչիլնե-
րից. սիրում է քաղաքների տաք տեղերը, հա-
ճոյական կեանք, քնքոյշ ճաշակ:

Անորդի հայերը փախչում են աշխատութիւ-
նից. հէնց աշխատութիւնից փախչելու համար
է, որ դրանք անորդի են մնալու: Այդ մարդ-
կային բարեմասնութիւններից զրկված արարած-
ները սիրում են արծաթի յափշտակութիւն,
գողութիւն. նրանք միայն մեռելաթաղներ են,
պատրաստ պպզած մեռելահացի գլխին:

Սուտ են բոլորը. առանց գործի խօսքերը կեղ-
ծաւոր:

Համազգային հոգւոյ միաւորութեան մտքից
դուրս այն ամենը, որ պատուաւոր ազնիւ անուն-
ներով միայն բեռնաւորուած մատչում է նորա
սուրբ սեղանին. նա վարձկան է, նա գող է,
նա աւաղակ է:



ՀՐԱՊԱՐԱԿԱՆԽՍՍՈՒԹԻՒՆ

Ք. Մ Ա Ս Ն

Գարայ—նիի խան Գիւրդ Հիւսէյին աղի ընդունելութիւնը—Նորա հայեացքը երկրի վիճակի վերայ—Հայերի եւ քրդերի յարաբերութեան վերայ—Գիւղական ուսուցիչ:

Մագուայ և Աւաջուղի խանութեանց մէջ պատելիս թէ թաթարներից, թէ քրդերից և թէ հայերից անընդհատ գովասանութիւններ էի լսել Գարայ—նիի խան Հիւսէյին աղի վերայ: Միմիայն թաթար խաները, որոնց տան հիւր լինելու, նորանց հետ մի բաժակով օղի, ում անուշ անելու և միասին մի ամանից, ձեռքով նորանց անուանի փլաւը ուտելու պատիւը ունեցայ. նոքա միայն ոչինչ չէին խօսում: Ես ուշադրութիւն դարձրի այդ անձի վերայ, որը հասարակ ժողովրդի մէջ հեղինակութիւն ու-

ներ և վայելում էր նորա գովեստները։ Գորա արժանաւորութիւնը, իւր արդարասիրութիւնը, տկարներին պաշտպանելը, բռնաւորներին պատժելն էր։ Այդ կողմերում, եթէ մի առաջնակարգ մարդ բարիք էլ չ'անի, չարիք էլ չ'անի, դարձեալ մեծ գովեստների կ'արժանանայ։ Բայց Հիւսէին աղէն դրանց դասակարգիցը չէր։ Թագէի վանքի վանահայրը նոյնպէս գովում էր գորան. «Հիւսէին աղէն, ասում էր վարդապետը, — եթէ չը լինէր՝ մենք մեծ հարուածների պիտի ենթարկուէինք։ Անցեալ Շէյխ Իբրահիմ Լահի արշաւանքին գիւղ չը մնաց այս կողմերը, որ չը թալանուէր, ամենի հոտերը և նախիրները քըշեցին տարան։ Չը նայեած որ մեր վանքը Մագուայ խանութեան մէջն է ընկնում. բայց նորա խաները խլել են վանքի երկու գիւղերը, հողերը, ջուրը և վանքի խցերը ամբար են շինել իրանց համար.*) բայց Հիւսէին աղի շնորհիւր մենք բոլորովին անվնաս մնացինք և մի մազ անգամ չը կորցրինք։

Նոյեմբերի 7-ին առաւօտ գեղածիծաղ արևով

*) Վարդապետը պատմում էր նաեւ, որ ինքը քաղաքիցս դիմել է Էջմիածնա Ս. Սինոդին եւ եղելութիւնը նորան յայտնելով, խնդրել է նորա պաշտպանութիւնը, վանքի սեպհական կալուածները վերադարձուցանելու համար, բայց մինչեւ այժմ Սինոդը ոչինչ տնօրինութիւն չէ արել։

իջանք Աւաջուղի (Գոգ—Հովիտ) բարձրութիւնից և մտանք Քայլաբարայ գեղեցիկ Հովիտը: Աւերջինքն էր օրուայ*) երբ մենք ձիերը կանգնացրել էինք խանի դռանը: Խանը ինձ ընդունեց իւր արևելեան ճաշակով զարդարուած դիւանխանումը: Գիւանխանի մաքրութիւնը ինքնին ցոյց էր տալիս: որ նորա տէրը ցէղով տարբերվում էր թաթար խաներից: Չախ անկիւնում ինքն էր նստած փափուկ գահոյկի վերայ, իսկ աջը ինձ շնորհեց: Ընդունելութեան համար մի քանի քաղաքավարական խօսքերից զկնի, որոնք համեմած էին սուրճով, խանը սկսեց իւր աջ ծնօտի վերայ եղած վերքի տանջանքներից դանգատվել, որ իւր աւազակ ազգականները պատժելիս էր ստացել: Այդ վերքը պատճառել էր մի հրացանի գնդակ, որ ջախջախել էր համարեայ ամբողջ ծնօտը: Խանը թղթի մէջ փաթաթած մի կոյտ ոսկոռ ցոյց տուեց, որ երկու տարուայ ընթացքումը թափել էին նորա ծնօտից, նորա մէջն էին ատամները և մի մեծ կտոր, որ պարսիկ հեքիմը (բժիշկ) սղոցել էր կզակից, բայց

*) Վանայ բարբառի մէջ օրը բաժանված է մի քանի մասերի, որոնց անուններն են. «Աղօթարանի բացում», արշաւոյս, «Ակրատ», նախաճաշելու ժամանակ, «ճաշք», ճաշելու ժամանակ կէս օր, «Աւերջինք», վերջնաւոյս. «իրիկուն», երեկոյ:

վէրքը անբժշկելի էր մնում: Խանը ցոյց տուեց ինձ իւր կուրծքը, իւր բազուկները, բուրբուղին ծածկված սպիներով: Գոցանից ամեն մէկը մի առանձին և ընդարձակ պատմութիւն էր պարունակում: Աւելի հին սպիները վերաբերում էին նորա երիտասարդ ժամանակուայ սիրահարական վէպերին:

Հիսէյին աղէն մի տղամարդ էր երկարահասակ, յաղթանդամ, մօտ վաթսուն տարիներին հասած: Մտորա այրական կերպարանքի վերայ նկարված էր քաջասրտութիւն յանդգնութեան չափ, անաշառ խիստ արդարասիրութիւն, ամօքված բարեսրտութեամբ: Մի քօսքով նա լեռեան ասպետն էր, բառի լի նշանակութեամբ: Ծանօթանալու համար, լեռնական պարզութեամբ, նա ինքզինքը ցոյց տուեց ինձ, հասկացնելով թէ, այս ես եմ, դու ո՞վ ես:

Ես քաջութեան վէրքերի սպիներ չ'ունէի նորան ցոյց տալու, արած գործեր չ'ունէի նորան պատմելու: Աւերադարձայ դէպի իմ անցեալը, մի բան գտնելու համար: Ոչինչ չը կար: Մի քանի տարիներ տեսայ երբ ես չարչարվել էի ուսանելու, մարդ դառնալու, մի կտոր հաց ունենալու, որի համար անհրաժեշտ էր մի դիպլոմ: Այդ հասակին պակաս չ'էին և եռանդուն քամիները, որոնց ազդեցութեան տակ ես գրում էի լրագիրներում ազգասիրաբար! Մի քանի տա-

րիններ, երբ ուսուցչութիւն էի արել փող աշխատելու համար: Մի քանի տարիներ էլ, երբ ես խիստ չաղ պաշտօններ էի վարել և ապրել էի միայն կեանք վայելելու համար, այսինքն զուարճանալու գինով, օղիով, գարեջրով, հիւրիներով, արբեցութեամբ և շոայլութեամբ: Այդ միջոցին քնում էի, հաճոյքից, արբեցութիւնից ձանձրացած կաշկանդված, որ միւս օրը ոյժ ունենայի կեանքի վայելումը շարունակելու: Այդ կեանքի ամենալուրջ ժամանակը այն էր, երբ ես մտածում էի նոր մոգով, գեղեցիկ թանկագին կերպով հագնվելու, անոշահոտութեանց մէջ սոգորված, սիրուն, գրաւիչ երևալու, գեղեցիկ սեռը հրապուրելու համար: Լաւ մաներներ, սուր նախադասութիւններ անգիր արած. խօսքեր ծիծաղելու, խօսքեր ծիծաղացնելու համար, փախչում էի վատ աղքատ հագնված ընկերներիցս, կարծիք չը տալու համար, որ ես դրանց հաւասարն եմ, ձանձի նման կպչում էի մեծ համարուածների պոչին, աշխատում էի ազնիւ ձեւանալ նաև ծագումով, գիտնական խելացի և այլոց համարել ռամիկներ, էշեր և աւանակներ: Այդ ամենը, որ ընկերի կտրած մատի վերայ մի աղ ածելը չ'արժէր, այն ժամանակ ընդունված էր բարձր կենցաղաւարութեան մէջ և գեղեցիկ սեռից խրախուսված և վարձատրված:

Ի՞նչ համեմատութիւն կարող էր լինել իմ և խանի մէջ:

Նա երկրի տէրն էր, որ իւր արժանաւորութեամբ և աշխատութեամբ էր ձեռք բերել: Հիւսէյին աղէն ինքը միայն հաճել էր շահի սիրտը, տիրել էր Թայզաբարայ գեղեցիկ հովտին և նորա ծաղկազարդ լեռներին: Հպատակներին մնում էր վայելել այդ արդարասէր անձի հովանաւորութիւնը:

Այս խորհրդաւոր լուծեանը բարեբախտաբար լաւ նշանակութիւն տուեց խանը. նա կարծեց, որ ես այդ կողմերը երբեմն երբեմն երեւացող, քաղաքագիտութեամբ պարապող, կառավարչական պաշտօնեաներից մէկն եմ, որ ծածկում է ինք զինքը իւր գաղտնի մտադրութիւնների յաջողութեան համար:

Խանը իւր վատառողջութեան վերայ խօսակցութիւնը շարունակելով, գանգատվում էր, որ իւր անձը միշտ սառն է: Ես կարծելով, որ այդ արիւնի պակասութիւնիցն է առաջ եկել, մի բժշկական խորհուրդ տուի նորան, այն է հին գինի խմել: Խանը ժպտաց, իսկ մօլլան (հոգևորական) որ կրթնել էր նորա ձախ կողմը, նկատեց, որ մոլուխներին (ուղղափառներ) արգելված էր այդ: Երբ խանը և մօլլան պատրաստվում էին վերջինքի նամազը կատարել, ես ներողութիւն խնդրեցի նորանից գնալ

Հայոց գերեզմանատուներ մանգալու:

Գերեզմանոցից վերագառնալիս այս անգամ ինձ տարան յատկապէս ինձ Համար պատրաստված սենեակը, մի փոքրիկ սպիտակացրած գեղեցիկ ննջարան էր, որի յատակը փռած էր Խորասանի թանկագին գորգով և նորա երեք եղբրքները մետաքսեայ գահոյներով (դոշակ) և մետաքսեայ ոսկեկար բարձերով: Չախ անկիւնում շինել էին մի փափուկ գահաւորակ, ուր ես խանի նման նստած խմեցի թէյը և ծխեցի սաթով զարգարած երկար չբուխը: Երեկոյեան ծառան հարցրեց, հրամայո՞ւմ էի արդեօք իրիկնահաց մատուցանել: Հրամայեցի... իսկոյն մի մեծ մաքուր նոր անագած պղնձէ մատուցարանի (սինի) վերայ բերին Կնքերբու բըրնձից եփած փլաւը, որի վերայ դրել էին տապակած և խաշած հաւեր: Պէտք է խոստովանել, որ խանը տալիս էր ինձ մի իշխանական ճոխ ընդունելութիւն, որ նշանաւոր էր իւր անսպասելի շքեղութեամբ և մաքրութեամբ:

Բոլոր կահ կարասիները կարծես նոր լինէին և առաջին անգամ գործածվելիս: Սենեակը լուսաւորված էր ութ ապակեայ քամու աշտանակների Եւրոպական մոմերով: Գրանք շարված էին կարգով սենեակի մէջ տեղը, որոնք բոլորն էլ կարծես գործարանից նոր էին ստացվել:

Ընթրիքից զկնի սպասաւորը յայտնեց, որ խանը ցանկանում էր այցելել ինձ, եթէ այդ

բարեհաճելի էր ինձ: Բարեհաճեցի և մեր մէջ մի խօսակցութիւն բացվեց, որ տեւեց ամբողջ երեք ժամ:

Ես մտադիր չեմ ամբողջը մէջ բերել: այլ կը յիշեմ նորա նշանաւոր կէտերից մի քանիսը միայն:

«Ի՞նչպէս գտաք մեր աշխարհը՝ հարցրեց խանը: — Շատ վատ, — պատասխանեցի: Այս եօթերորդ օրն է, որ ես պտտում եմ այս կողմերը և օր չ'եղաւ, որ իմ շրջապատիցը հափշտակութիւնների, սպանութիւնների լուրեր չը լսվէին: Հարամ լուծը մեծ ճանապարհի վերայ, սպանել են երկու Բաղիշեցի վաճառականներին և տարել են նորանցից երկու հազար օսմանեան ոսկի: Գանաբուլախում սպանեցին եօթ թաթարների և տարան նորանց իւղի բեռները: Արաբ լեար և Մարգեան գիւղերի մէջ կողոպտեցին Սալմաստեցի մշակներին: Գարազիադգինի և Խօյա մէջ թալանեցին վաճառականներին: Աղբուլաղի տաւարները և ոչխարները հափշտակեցին: Քիշմիշ Թափի եղները քշեցին: Բայց գիւղացիները վրայ հասնելով կռիւ բացուեց և չորս մարդ են վիրաւորել: Համզօ աղէն էլ դեռ նոր է վերագարձել. նա էլ իւր գործերը կսկսի*):

*) Իրանօթ. Էս Աւաջուղումն էի երբ լուր տարածուեց թէ Համզօ աղէն իւր Տաճկա—Հոյաստանում արած

«Այս դեռ ոչինչ, հասարակ ամենօրեայ իրողութիւններ են, խօսքս կտրելով ասաց խանը, — որ կարծեմ ձեր կողմերն էլ յաճախ են պատահում, բայց եթէ անցեալ 1880 ին այս կողմերը լինէիք, այն ժամանակ իսկ որ նշանաւոր դործեր կը տեսնէիք, Այն ժամանակ աւազակների խմբերը բնակիչներից շատ էին, որոնք ասպատակում էին օր ցորեկով, մօրթում էին ակն յայտնի, մի կատարեալ անիշխանութիւն, իսկ մենք օր ու գիշեր ղէնքը ձեռներիս անքուն ստիպուած էինք պահպանել մեր գլուխը: — «Կարծեմ շէյխ — Իրադուլլահի արշաւանքի ժամանակն էք յիշում, — հարցրի:

արշաւանքից յետ է դարձել. թալանել է 263 մարդի, քշել է թիւրքոց զօրքերին եւ նոցանից մի թնդանօթ է խլել:

Այս աւազակապետը ունկնդիրներից շատերին ծանօթ կը լինի լրագիրներում յիշված իւր աւազակական գործերով, 1880 թ. վերջերը Համզօ աղէն տեսնելով, որ ինքը անապահալ է Տաճկա—Հայաստանում, փոխադրվեց Մագու եւ դարձաւ թամաւր աղի քերվան. Այնուհետեւ ամեն տարի ձմերում է թփուտ գիւղումը, իսկ գարնանից մինչեւ աշուն մօտ երեսուն ձիաւորով ասպատակում է Տաճկա—Հայաստան. յարձակվում է դիւղերի վերայ, կտրում է ճանապարհներ, թալանում է, ով որ պատահի, ում որ կարող է:

Համզօ աղի խմբի մէջ գտնվում է եւ մի հայ Հասարդնակ գիւղից. — Աւօ անուամով. Այս փուչ կենդանու աւաջնորդութեամբը Համզօ աղէն անցեալ տարի քշեց յի-

«Եյո՛ւ, — պատասխանեց խանը, — այդ աղէտալի
արշաւանքը, որ շատ խաղաղ երկրագործների
տունը աւերեց, շէյխի մեծ սխայն էր, Գա պատ-
րաստվեց հայոց դէմ, հայոց խնդիրը ջնջելու
համար և ցոյց տալու Եւրոպային, որ քրդերը
մի ղինուորական ոյժ են կազմում, Բայց շէյխը
շուտով համոզվեց, որ քրդերը առանց հայերի
երբէք չեն կարող լինել, գոյութիւն ունենալ
Պէտք է ճշմարտութիւնը ասել, որ շէյխը իւր
սխալը չը կարմրացրեց. նա ոչ մի հայի ա-
րիւն չը թափեց և ամեն տեղ ցոյց տուեց իւր
պաշտպանութիւնը, Պարսից հպատակներին՝ փո-
խանակ պաշտպանելու անգթարար կոտորեցին
Մագուայ խաները, մի միայն կողոպտելու հա-

չեալ գիւղի ձիերի երամակը, Աւօն էլ փախցրեց իւր
սիրած աղջկան, որի հետ ապրում է այժմ Թագէյի վան-
քի գիւղումը, Չը բուռականանալով այսքանով Աւօն ցան-
կանում է այդ աղջկայ հետ օրինաւոր ամուսնութեամբ
պսակվել, որին աէրտէրը չէ համաձայնում, Խնդիրը
հասնում է Համզօ աղին, որը քննելով գործը տեսնում
է որ տղայի եւ աղջկայ կողմից արգելք չը կայ. անմի-
ջապէս պսակելու հրաման է սւղարկում քահանային,
հակառակ դէպքում, սպառնում է նորան միրաքից եւ
փիւնից զրկել եւ դադարեցնել քահանայագործութիւ-
նից, Տէրտէրը սարսափած այդ ինքնակոչ քուրդ կաթո-
ղիկոսի հրամանից դիմում է վանահօր, որը ընծայով եւ
աղաչանքով համազում է Համզօ աղին սպասել մինչեւ
թուղթ գրեն Հասպօընակ տեղեկանան, Թէ առեւանգած
աղջիկը ազատ է արգեօք, մարդ չունի:

մար, — Է՛քեր ասելով քրդերը համակրում են հայերին, ասացի, բայց ի՞նչպէս մեկնենք այն անթիւ հարստահարութիւնները, որ քրդերը կատարում են Տաճկա—Հայաստանումը:—

Ե՛լլդ բոլորը հեշտ պարզելու բաներ են, ասում էր խանը: Էքեր խնդիրը երևան գալուց զկնի թիւրքերը մեծ բարեկամութիւն սկսեցին ցոյց տալ մեզ, և մեր ձեռքով կամենում էին կրակ բռնել այդ աշխարհը սրբել հայերից: Ի՞նչ համար շատ մեծ գաղտնի աշխատութիւններ է եղել և լինում է: Ի նկատի առած այդ մեծ հրապուրանքները քրդերը մի ելևելի փնաս չեն տուել հայերին, միևնոյն սովորական յափշտակութիւններն են որ կրկնվում են: Այս տարի սահմանից անց են կացրել յափշտակած եօթ հազար ոչխար և երեք հազար տաւար, որ անցեալ տարուան հետ համեմատած, զգալի զանազանութիւն է անում: Այս տարուայ յափշտակութիւնները հաւասարվում են անցեալ տարուայ յափշտակութիւնների քառորդ մասին: Ճշմարիտ է որ այդ բոլոր յափշտակողները քրդերն են, բայց ո՞ւր են տարել, ո՞ւր են այժմ այդ տաւարները և ոչխարները: Հայերը եթէ կամենում են ճանաչել իւրեանց թշնամին, գտնել յափշտակված անասունները, պէտք է որոնեն փաշաների, կամ խաների մօտ: Պարսկաստանում թող գնան Մագու, այն տեղ

են ամենը: Այն տեղ են Սիրիից փախած, դատաստանից փախած Երևանի աւազակ թաթարները, որոնք յայտնապէս ծառայում են խաներին: Այնտեղ է աւազակների բոյնը, որ պատճառում է Տաճկա—Հայաստանցոց աւերումն: Աւր են Մանդանցոց*) մօտ չորս հարիւր տաւարները: Եթէ Մագուայ խանը այդ յափշտակութեան չէ ղէկավարել, ի՞նչու համար խոստացել է հատուցումն անել: Ա՛վ սպանել տուեց Բաղիշեցի երկու վաճառականներին: Խաները այժմ նոր գիւղեր են առնում, այդ սպանված Բաղիշեցոց փողովն է: Այս ամենով ես կամենում եմ ապացուցանել, որ քրդերը չարագործ ձեռներում միմիայն գործիքներ են. կտրեցէք այդ ձեռները և քրդերը կը մնան հայերի մըշտնջենաւոր բարեկամները: Բայց հայերը—աւեր

*) Մանդան վասպուրականում մի գիւղ է. որը 1881-ին Մագուայ քրդերը կողոպտեցին եւ տարան նոցա չորս հարիւր գլուխ տաւարը, կառտարչական դրողութիւններից յետոյ թամիզ տղան խոստացել էր գիւղացոց բաւահանութիւն տալ: Էս տեսայ տասն եւ չորս Մանդանցի հայերին, որոնք տասն եւ հինգ օր էր, որ սպասում էին խանի վերադարձին: Խանը դուրս էր եկել իւր կալուածները վերատեսչելու: Այս քէր համարձակումայդ անհաճոյ հիւրերին խանի տեղը ցոյց տալու եւ աւաջնորդելու: Խեղճերը յերկար սպասելուց յաւաստաված դատարկ վերադարձան:

լացնում էր խանը— իրաւունք չունին այժմեանիցը
աւելին պահանջել, Այնքան մնացել չէ Քըզը — խան
— Քէզի, խան — Մահմուդի, խան Աւղալի ժամա-
նակը, երբ քրդերը այս աշխահի իւրեանց ազա-
տութեան համար արիւն էին թափում. իսկ հայե-
րը ոչ միայն բաւականանում էին մեզ չ'օգնելովը
այլ և Տաճկաց զօրակարգերումը կռւում էին
քրդերի դէմ, Հայերը իւրեանց աշխարհի ազա-
տութեան մի կաթիլ արիւն անգամ դեռ չեն
թափել, Այս համեմատութեան մէջ պէտք է
յիշել, որ քրդերը, ինչպէս որ բնական է լեռ-
նականներին, վայրենի անզուսպ են, բայց չը
կայ մի ազգ, որին այնքան համակրէին, որքան
հայերին են համակրում*), Որքան որ Տաճիկ-
ները շողոքորթէին, բայց առաջին կարելի դէպ-
քին, նոքա կը բարձրացնեն նոցա դէմ իւ-
րեանց զէնքը իւրեանց ազատութեան համար,
Հայերը, որ հասկացող են, հարուստ են, քաղա-

*) Մի գարմանսլի պատմութիւն էր անում թագէի
վանահայր արժանապատիւ Կսայի վարդապետը, 1880-ին
առում էր նա, բացի հայերի երկու գիւղերից, բոլոր գիւ-
ղերը թալանեցին, Քրդերը վանքի չորս կողմը եղած թա-
թարների գիւղերը կողոպտում էին, բայց վանքին եւ նո-
րա մտա եղած գիւղին բոլորովին ձեռք չը տուին, Մի
անգամ սարից քշել տարել էին, վանքի գիւղի յիսուն
ոչխարները, երեւի սխալմամբ, որովհետեւ մի շաբաթից
զկնի, մի գիշեր վանքի պարսպի տակից մի քուրդ, խեղդ-

քակրթված են, ասում էր Հիւսէյին աղէն, իւրեանց վայրենի քրդերի վերայ երբէք ուշադրութիւն չեն դարձրել: Ո՞վ կը փախչի քաղաքակրթվելուց, հարստութիւնից, բարեպատիկ կեանքից, բայց այդ ամենի համար մի միջնորդ է պէտք և այդ միջնորդը հայերը միայն կարող են լինել մեզ համար: Ես երախտագիտաբար եմ յիշում սովի տարին, պէտք է խոստովանել սր հայերը առաջին քայլն արին դէպի մեզ, բայց դա բուական չէ»:

Այնուհետև Հիւսէյն աղէն խիստ հետաքրքրութեամբ տեղեկութիւն խնդրեց հայկական հարցի ներկայ ընթացքի վերայ և ես ուրախութեամբ մանրամասնաբար նորան ծանօթացրի խնդրի հետ:

«Աւրեմն հայերը իւրեանց մէջ ոչինչ պատրաստութիւն չունեն, իւրեանց վրայ յոյս չունեն և յոյսը դրել են Նւրոպական տէրութեանց վրայ միայն» — ցաւակցաբար բացականչեց Հիւ-

ված ձայնով, կանչում էր ինձ, յայտնելով որ գիւղի սլխարները բերել է եւ նրանք այժմ ձորի մէջն են: Գլոխար էր հաւատալ եւ այնպիսի երկիւղալի ժամանակում պարսպի դուռը բանալ, ասում էր վարդապետը, ջառաներից մէկին կախեցի պարսպից, որ ստուգէր գործը, նուսով ծառան երեւաց պարսպի ստիկն յայտնելով, որ խկապէս սլխարները ձորի մէջ էին եւ քուրդը աներեւոյթացիւ էր:

սէյն աղէն. — «Նյո», — պատասխանեցի, — հայերը արիւնհեղութիւն չեն ցանկանում. նորք կամենում են իւրեանց թշնամիներին յաղթել գթութիւն հայցելով զօրեղ պետութիւններից և գրելով և խօսելով: Նյո տեսակ կռուին կուլտուրական կռիւ են անուանում:

Հիւսէյին աղէն սաստիկ տխրեց. — «Առաջին անգամն եմ լսում, ասում էր նա, — այդ ձեր կուլտուրական կոչուած կռուի տեսակը, որ ձեր ասելով, առանց զէնքերի է կատարւում: Պրան իմ խելքս բոլորովին չէ հասնում, թէ առանց արիւնի և զէնքի գործ առաջ գնայ, յաղթութիւն լինի: Նյո կուլտուրական կռիւը ես ուրիշ տեսակ եմ հասկանում. դա նշանակում է, որ հայերը իւրեանց կաշուց սաստիկ վախենում են և չեն ուզում նրան ծակծկվելու վտանգի տակը դնել. նոյնպէս մեծ նշանակութիւն են տալիս քսակներին և չեն ուզում նրանց բերանը բաց անել. — «Պուք սխալվում էք, խան, — ասացի. — այն աղգը որ ուսաց բանակին անպակաս տվել է հերոսական զօրավարներ, տաղանդաւոր ասպետներ, քաջ զինւորներ, այդպիսի մի ազգ իւր կաշու ծակծկվելից չի վախենալ, Նյն աղգը, որ անցեալում շինել է անհամար եկեղեցիների, ներկայումս շինում է ուսումնարաններ, կազմում է բարեգործական ընկերութիւններ, Սովի տարին ստոյգ մահից ազատեց իւր կարօտ դա.

սակարգին, նորա քսակը միշտ բաց կը լինի բարի բաների համար:

Եւ այց այդպիսի մի զօրեղ աղգ, որ վստահ է իւր կաշու և քսակի վերայ, ինչո՞ւ ղէնքը ձեռքում չէ պահանջում իւր իրաւունքը: Ի՞նչու ողորմութիւն է հայցում: Եւրոպական տէրութեանց վրա յոյս դնելու համար ևս դարձեալ ոյժ է հարկաւոր: Իմ կարծեօքս, ասում էր խանը, նա միայն իւրաւունք ունի յոյս դնել օտար ոյժի վերայ, երբ ինքն էլ ոյժ ունի: Փոխառութեան գրամագլուխը հաւատում են ոչ թէ անձնաւորութեան, այլ նորա ստացուածքին կարողութեան: Ի՞նչ խելք է քաղաքականութեան մէջ գթութիւն փնտոել: Ինչտեղ շահերի ընդհանուր մրցնում կայ. այնտեղ գթութիւն չը կայ և գթութեան առարկան ոտի տակ տրորվում է: Աւթսուն տարին անցրել եմ ասում էր Հիւսէյն աղէն, իմ ժամանակամիջոցում շատ փոփոխութիւններ եմ տեսել աշխարհի երեսին: Շատ աղնիւ և մարդասիրական անունների տակ կատարվել են սարսափելի արիւնհեղութիւններ և յափշտակութիւններ ստացուածքի, հողի: Ինչտեղ ուժի գերակշռութիւն կայ, այնտեղ անիրաւութիւնը իրաւունք է դառնում: յանցանք, ոճրագործութիւններ—առաքինական պարտքեր: Հայերը իւրեանց յոյսը պիտի դնէին զխաւորապէս իւրեանց վերայ և հետե-

ւարար քրդերի և ասորիների վերայ, դա մի
քնական դաշնակցութիւն է, որովհետեւ հայոց
խնդիրը, ասում էր չիւսէյին խանը, միևնոյն
քրդերի և ասորիների խնդիրն է, որքան որ
հայերը քրդերի և ասորիների զարգացման հա-
մար աշխատեն, այնքան էլ իւրեանց գործին
կ'օգնեն»:

Խանը իւր մտքերի մէջ աւելի շատ առաջ
գնաց, որքան ես կարծում էի: Քրդերի և ասո-
րիների մէջ ուսումնարաններ բացանելը ուղղա-
կի հայոց պարտականութիւնն էր համարում նա:

Երբ որ խանը այսպէս խօսում էր, ես տա-
ռապում էի, իմ յիշողութեանս մէջ պատկե-
րանում էին մեր ուսումնարանները իւրեանց
հոգաբարձուներով և ուսուցիչներով:

Ես ծանապարհօրդել եմ, տեսել եմ, ես ինքս
ուսուցչութիւն եմ արել, չորս տարի Ագուլիսում,
մի տարի Տիֆլիսում, մի տարի Շուշում: Ես մեր
ուսումնարաններին ծանօթ եմ... Ճշմարիտ էր
ասում խանը. մեր պարտքն էր բարոյապէս կրթել
մեզ հետ դարերով անբող, շահերով կապ-
ված մանրագգերին ասորիներին, քրդերին, եզդի-
ներին, Գարագոյունցոց և այլն: Բայց խանը չը
գիտէր մեր դպրոցների գաղտնիքը, կամ մեր մէջ
դպրոցներ որքան տարածուած են, կամ որքան
արժանի են դպրոց կոչուելու, ինչ են պատ-
րաստում ապագայի համար: Արտաքին մասը

Ճշմարիտ որ շատ գրաւիչ է, որի ձայնը մինչև
Գարայ—նի է հասել, խանը ևս լսել է:

Էջմիածնում մի ճեմարան կայ, բայց Արա-
րատեան դաշտում մոտաւորապէս տասն և ութ
հազար բնակչաց համար, բացի Եգդիբից, ոչ մի
ուսումնարան չը կայ, Ապարանում մօտ քսան
և հինգ հազար բնակիչների համար մի ասորա-
կան ուսումնարան չը կայ. Գառնի Բասարումը
մօտ քսան հազար բնակիչների համար մի տար-
րական ուսումնարան չը կայ, Գարաշիչակ գա-
ւառում մօտ տասն և չորս հազար բնակիչնե-
րի համար մի ուսումնարան չը կայ. Գեօկչայ
գաւառի մօտ տասն և վեց հազար բնակիչների
համար մի ուսումնարան չը կայ. Գանձակի գիւ-
ղերում առաջ վեց ուսումնարաններ կային,
այժմ համարեա բոլորը փակվել են, Բայց կան
վարձկան թէմական տեսուչներ, որոնք թէև թե-
մի համար են ստեղծուած, բայց միշտ ապրում
են քաղաքներում: Ի՞նչ բան ունեն այդ պա-
րոնները քաղաքներում, կարծեմ թեմը քաղաք
չէ նշանակում: Իսկապէս թեմական տեսչի
պարքն է ամբողջ տարին իւր թեմումը լինել,
գիւղից գիւղ, ուսումնարանից ուսումնարան
չըջելով, փորձնական դասեր խօսել, մանաւանդ
մեր վարժապետների նկատմամբ, Բայց թեմական
տեսուչները քաղաքներում մնում են իւրեանց
երկրորդական շահերի համար, Պաշտօնին նուր-

բուած մի անձի համար պատուաւոր կը լինէր, թէ նա փոքր ի շատէ զոհել չը գիտէր, ոռճկի անբաւարար հանգամանքումը կամ հրաժարվել պաշտօնից, կամ ամբողջ տարին գիւղերում անցկացնել, առանց ուշ գարձնելու երկրորդական շահերին*):

Երբ մի թեմական տեսչի հարցնում ես ի՞նչու այս ինչ դաւառում ուսումնարաններ չը կան, կամ եղածները փակուել են, Ար պատասխանէ, թէ ուսուցիչներ չը կան**):

Աւելի ուղիղ կը լինէր ասել, թէ ուսուցիչներ պատրաստելու գործարան չը կայ:

Ո՞րտեղ են պատրաստել ներկայ գիւղական ուսուցիչները, Մեծ մասամբ՝ ներսիսեան ուսումնարանում, ինչ տեղից գուրս են եկել երիտա-

* Ն Ե Մ Օ Թ. Թեմական տեսուչների մէջ գովելով պէտք է յիշել գեր. Ստեփանն քահանայ Տէր Ատեփանոսեանին, որ ութ հարիւր աւարի ուստիկով թեմական տեսչի պաշտօնը շատ խղճմտանքով էր կատարում: Երբ նա զգաց, որ այդ աննշան ուստիկը բոլորովին անբաւական էր, հրաժարվեց տաշտօնից: Այժմ Տ փխխի թեմական տեսուչը ստանում է 2000 ռ. Երեւանինը 1400 ռ. եւ ճանապարհի ծախս, Նուշուը 1000 ռ.

** Ն Ե Մ Օ Թ. Տաճկա— Հայաստանի համար իօտելն անգամ աւելորդ է. այնտեղ ուսումնարաններ ամենեւին չը կան: Յուաւի է յիշել, որ մի քանի ընկերութիւններ դատ-

սարդներ առանց ժողովրդական ուղղութեան,
առանց ազգային հոգոյ և ապրուստի համար
ցրվել են գիւղերը: Այսպէս պատրաստուած ու-
սուցիչները գիւղերումը բնականաբար միշտ փոր-
ձանքների են պատահում. օրինակի համար մի
տեղ վարժապետը պաս է ուտում և քարոզում
է ժողովրդին և իւր աշակերտներին, որ պաս
ուտելը մեղք չէ. դրան գիւղացիք չեն կարող
համբերել կը ծեծեն և դուրս կ'անեն: Միւս
տեղ վարժապետը գնում է եկեղեցի և տեսնե-
լով որ տէրտէրը դեռ չի եկել, ինքն է օրհնում
ժամը: Այն վարժապետը, որ խառնվում տէրտէ-
րի գործերին, գիւղացիք սորան չեն կարող պա-
հել: Աւրիշ տեղ վարժապետը Պարվինի մտքերը
աղձատելով քարոզում է, որ Ադամ Եւան
սուտ են, մեր նախապապը պարոն օրանգու-

ուեցին հասարակութիւնից այդ մեծ պոկատութիւնը լցու-
ցանելու համար: Բայց այդ ընկերութիւնները այնքան ա-
նընդունակ անփորձ, աննախատես դասուեցան, որ առանց
հաստատուն դրամագլխի պատրաստութեան նոքա աշխա-
տեցին իւրեանց բոլոր կարողութեամբ բազմաթիւ ուսում-
նարաններ բաց անել: Այդ ամենը նոքա անկարող լինելով
նիւթապէս եւ բարոյապէս կաւաւարել, կորցրին հաստ-
ակութեան առաջ իւրեանց վարկը եւ այժմ ստիպուած
են այնքան անխորհուրդ եւ անգով բացած ուսումնարան-
ները հետզհետէ փակել: Դժբախտաբար օր կը գայ, որ
«Միացեալ ընկերութիւնները» ոչ մի ուսումնարան չեն
ունենալ:

տանգն է եղել, Մի այլ տեղ վարժապետը վա-
ղում է հարսների ետևից, կամ երկու գիւղա-
ցոց կռուացնում է, որ նորանց համար գան-
գատի տեղիք տայ և ինքը դատարանին խնդիրք
գրի նոցա համար, կամ գատում է Քրիստոսի
Աստուածութեան, սուրբ Առևսի յղութեան և
անարատութեան վրայ*): Բայց գիւղացին այս
ամենին չի կարող դիմանալ. նա իրաւամբ իւր
վարժապետից բարոյական բարձր օրինակներ է
սպասում: Բայց այդ սպասելիքը չը գտնելով,
գանակոծելով դուրս է գցում «Փարմասիօն մո-
լորեցուցչին», Իսկ մեծ ուսումնարաններումը,
ուր մի քանի վարժապետներ խմբովին են լինում
կռիւր, ինտրիգները անվերջանալի են. շատ տեղ
ժողովուրդն է նրանց հաշտեցնում: Ամէն մէկ
վարժապետը, տևողական և մեծ ռոճիկ ստա-
նալու համար, աշխատում է ընկերից բարձր
լինել, համարումն ունենալ, դրա համար էլ նա
ամեն կեղտոտ միջոցներ գործ է դնում ոտի
տակ տալու ընկերի պատիւը, թէ աշակերտների
և թէ ժողովրդի առաջ:

Մենք չենք մեղադրում գիւղական վարժա-

*) Մ տ ն օ թ. Այս ընդհանուր երեւոյթը առանց քա-
ցառութիւնների չէ. կան վարժապետներ, որոնք խճմտան-
քով են կատարում իւրեանց պարտքը եւ դասատան
պաշտօնը:

պետին, իւր պահասութիւններով հանդերձ, այդ ամենը նա ուսել է, իւր հետ դուրս է բերել ուսումնարանից, նրա աչքի առաջ են եղել կենդանի օրինակներ, արժանաւորութիւնից դուրս առանձնաշնորհութիւնք վայելող շարժի վարժապետներ, որոնք ազգային ուսումնարաններումը, իւրեանց բոլոր կեանքի համար, կարծես կապալով են առել ուսուցչական պաշտօնի տեղերը: Նա ակնատես է եղել պաշտօններ ձեռք բերելու, նրանք մշտապէս վայելելու համար եղած ինտրիգներին: Մեր ուսումնարանները դեռ անկեւանոցների և աղքատանոցների նմանութիւն ունին, ուր տեղ ծառայում են ոչ նրանք, որոնք արժանաւորութիւն ունին, այլ մարդահաճոներ, որոնք պաշտպանութիւն ունին: Նրանք թէև լուսաւորութիւն տարածելու համար կազմակերպութիւն մարմին են, բայց հոգի չ'ունին: Գորա համար և զարմանալի չէ, շատ բնական է, որ նորանից դուրս են գալիս բոլորովին մարմնացած շարժի վարժապետներ:

Միայն այն ժամանակի հեղեղը օտար օրինակների ազդեցութիւնն է, որ հոսում է վարձկան վարժապետի քթի տակից և մտնում է աշակերտների մէջ և նրանց հոգի և կեանք է տալիս: Արդ գայ ժամանակ, որ վարժապետները անձնանուիրութեան դասեր պէտք է առնեն աշակերտներից:

Մեզ պէս ազգի համար, գիւղական վարժապետի տեղը վսեմ նշանակութիւն ունի: Գիւղական վարժապետի վրա պէտք է նայել ինչպէս մեծ պաշտօնի վրա կանգնած մեծ մարդի վերայ: Նա ապագայ ժամանակի քաղաքակրթութեան հիմնադիրն է...

Մեզ պէս ազգի բարոյական վերականգման համար գիւղական վարժապետը չը պէտք է մարմին լինի, ինչպէս հասարակ մահկանացու, այլ հոգի անձնազոհութեան, սուրբ հոգի, որ առաջնորդում է իդէալական բարձր մտքերի զարգացման. ինչպէս սուրբ հոգի էին քրիստոնէութիւն տարածող առաքեալները:

Մեր գիւղացին վարժապետից սպասում է ամենը. նա նորան տուել է միշտ իւր մէջ առաջին տեղը տէրտէրի կշտին. այդ նշանակում է, գիւղի հոգևոր տիրոջ կշտին դնել նորա քաղաքական տէրը: Բայց գիւղական վարժապետը դեռ երբէք չէ արժանացել այդ տեղին:

Գիւղական վարժապետը գիւղի մտաւորական զարգացման առաջնորդն է: Նա ձմեռները սովորեցնում է աշակերտներին ուսումնարանումը. երեկոները գտնվում է գիւղական ժողովներումը. այնտեղ նա նորանց կը պատմէ այլ աշխարհների բախտաւոր գիւղացիների պատմութիւնները. թէ ինչպէս նորանք հասել են բարօրութեան այդ աստիճանին. ո՛վ է գիւղացու թշնա-

մին, բարեկամը, ինչու մն է գիւղացու թշուա-
ռութեան պատճառը, հողի նշանակութիւնը,
աշխատասիրութեան հրաշքները. թէ ինչպէս
աշխատասէր, զարգացած գիւղացին գութանի
մաջը կառավարելից կը հասնի մինչև վերին
աստիճանի բարօրութեան:

Երբ վարժապետը հոգնում է խօսելից, նա կը
կարդայ վէպեր, այնտեղ ամեն բան կայ. անցեա-
լը, ներկան էլ. գեղեցիկ օրինակներ, վատերն
էլ. մոլութիւններով վարակուած տիպեր, ինչ-
պէս մատնիչներ, հարստահարողներ և այլն. ա-
ռաքինի հերոսներ, որոնց կեանքի նշանակու-
թիւնը հասարակութեան երջանկութիւնն է ե-
ղել. այդպիսիների հաստատամտութիւնը, քա-
ջասրտութիւնը, անձնազոհութիւնը:

Գիւղական վարժապետը գիւղական երիտա-
սարդութեան հոգին է. նա նրանց տօն օրե-
րին կ'առաջնորդէ որսի, այդ տեղ են տրվում
ինքնավստահութեան, ինքնապաշտպանութեան
առաջին դասերը. այդ միջոցին հազար և մի
պատմութիւններ կարելի է անել, Գա առաջին
կարգի մարմնամարդութիւնն է մարմնի առողջու-
թեան համար. Գրանով տրվում է երիտա-
սարդներին քաջասրտութիւն դիմագրաւել վը-
տանդներին. վարժութիւն ղէնքեր գործածելու,
սերելու և գործ դնելու:

Երբ գալիս են երկիր գործելու օրերը վարժա-

պետը արձակուամէ իւր մանկահան ուսումնարանը, այնուհետեւ նա դիւղի դիւղատնտեսն է: Նա հերթով կը մասնակցի ամեն մէկի վարին, հունձին, կալին, և այլն. աշխատում է նորանց հետ ինչպէս նոցա ընտանեաց որդին, ճաշում է միասին ընտանիքի աղ ու հացը: Նա ցոյց է տալիս աւելի դիւրին արդիւնաւոր ձևեր, խորհուրդներ հողը պարարտացնելու համար, դեռ նոր անծանօթ սերմեր ցանելու համար, ծառեր տնկելու համար, որքան օգուտ են տալիս ծառատունկները, անտառը երկրագործական նոր գործիքներ ունենալու համար. ընդի մաքրութիւնը, տների կարգով և առողջապահական կանոններով շինուածքը և այլն:

Երբ կը պատահեն հասարակական դժբախտութիւններ, ինչպէս մորելս, աւազակների յարձակումն, վարժապետը առաջինն է, որ ժողովրդի գլուխը անցած, առաջնորդում է նորանց հասարակական թշնամու դէմ*):




Այդպիսի վարժապետին ամենքը կը հետեւեն:

Այդպիսի վարժապետների միատեսակ ուղղու-

*) Մ ա ն օ թ . Պ . Վարդան Եղիազարեան . 1889 թ . Բանաց գիւղի ուսուցիչ, առաջինն եղաւ իւր աշակերտներին հետ մարտիկների դէմ դուրս եկող, բոլոր գիւղացիք հետեւեցին նորան եւ արտերի թշնամուն ոչնչացրին:

Թիւնը յառաջ է բերում մտքի և զգացման
թեան միութիւն. միատեսակ զգալու, մի-
սակ մտածելու և միատեսակ գործելու:

Այդպիսի վարժապետներ ունեցող Տ ա ճ
Հ ա յ ա ս տ ան ց ի ն երբէք ստրուկ չի մնալ



ՍՏՈՒԳՎ. Ա. Տ. Է 1971 թ.

